



Broj: 02-04-2-334/23  
Maglaj, 28.02.2023. godine

## Z A P I S N I K

sa 24. redovne sjednice Općinskog vijeća Maglaj  
održane dana 28.02.2023. godine u 8:00 sati u Sali Općinskog vijeća  
JU Dom kulture «Edhem Mulabdić» Maglaj

**Predsjedavajuća Svjetlana Zamboni:** Na osnovu člana 59. Poslovnika o radu Općinskog vijeća Maglaj, zaključaka Kolegija od 20.02.2023. godine, otvaram 24. redovnu sjednicu Općinskog vijeća Maglaj.

Na današnju sjednicu pozvani su vijećnici iz parlamentarnih političkih stranaka: SDP, SDA, DF, HDZ BIH, NES i samostalni vijećnici Elvir Vehabović, Mustafa Bešić i Mirza Bradarić.

Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, i odmah da kažem da je načelnik bolestan i iz tog razloga ne prisustvuje današnjoj sjednici, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Ferić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 24. redovnoj sjednici Općinskog vijeća. Na današnjoj sjednici nije prisutan vijećnik Mirza Bradarić a vijećnik Delić Fikret kasni u dolasku, tako da trenutno imamo 23 vijećnika. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88 Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa predhodne 23. redovne sjednice Općinskog vijeća, ima li primjedbi na zapisnik. Nema, te zapisnik sa 23. redovne sjednice stavljam na verifikaciju. Ko je za ? Protiv? Uzdržan?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (NES), Maid Suljaković, Eldin Pehrat, Adis Abdurahmanović, Edin Salatović, Edin Osmić, Safet Jašić, Jasmin Begić, Mirsad Bežić, Eldis Kusur (SDA), Aida Hadžić (DF).

**Glasalo protiv:** Nema.

**Uzdržanih:** Nema.

Konstatujem da smo jednoglasno verificirali zapisnik. Otvaram raspravu po pitanju Dnevnog reda. nema rasprave, te u skladu sa zaključkom Kolegija predlažem Dnevni red za 24. redovnu sjednicu a to je:

## DNEVNI RED

01. Prijedlog Odluke o naknadama za vatrogastvo,
02. Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2023. godinu,
03. Prijedlog Odluke o usvajanju djelimične izmjene Urbanističkog plana Kosova po zahtjevu Mešić (Hasan) Elvira,
04. Prijedlog Odluke o usvajanju djelimične izmjene Urbanističkog plana Kosova po zahtjevu Husić (Fikret) Eldina,
05. Načrt Odluke o usvajanju djelimične izmjene Regulacionog plana Kosova po zahtjevu Smajić Samila i Smajić Muradifa iz Kosove,
06. Prijedlog Odluke o gubitku statusa javnog dobra u općoj upotrebi za k.č. br. 2811/4 k.o. Maglaj – predmet Bašić (Ibrahim) Esad,
07. Izvještaj o radu općinskog organa uprave Općine Maglaj – Općinski načelnik za 2022. godinu,
08. Program rada općinskog organa uprave Općine Maglaj – Općinski načelnik za 2023. godinu,
09. Plan i program rada „Komunalno javno društvo“ d.o.o. Maglaj za period 01.01. – 31.12.2023. godine,
10. Plan i program rada i razvoja J.P. „Veterinarska stanica“ Maglaj d.o.o. za 2023. godinu,
11. Plan i program održavanja, sanacije, rekonstrukcije i uređenja lokalnih i nerazvrstanih cesta i gradskih ulica sa finansijskim pokazateljima na području općine Maglaj za 2023. godinu,
12. Plan i program održavanja javne higijene i zimskog održavanja gradskih javnih površina sa finansijskim pokazateljima za 2023. godinu,
13. Plan i program održavanja javnog zelenila na gradskom području sa finansijskim pokazateljima za 2023. godinu,
14. Akcioni plan za implementaciju Platforme za mir 2022.-2023. godine,
15. Saglasnost za namjenu neopremljenog prostora potkrovlja JU Dom kulture „Edhem Mulabdić“ u Maglaju radi realizacije projekta „Izgradnje Resursnog centra za mlade u Maglaju“,
16. Izvještaj o upravnom rješavanju i provedenim upravnim postupcima Jedinstvenog organa uprave za 2022. godinu,
17. Informacija o statusu Općinskog pravobranioca.

Vijećnička pitanja i inicijative.

**Predsjedavajuća Svjetlana Zamboni:** Možda prije nego glasamo po ovom prijedlogu, da li bi predsjednik Statutarne komisije, znam da je bilo reakcija vezano za naziv jedne od tačaka Dnevnog reda ali imat ćete izjašnjenje po pitanju svih tački vezano za zakonsku regulativu u donošenju ovih akata. Hoćete se sada i obratiti prije glasanja? Ovo je po tačkama Dnevnog reda, hoću li svaki put po tačkama Dnevnog reda, čitati zaključke Statutarne komisije. Ja sam mislila, gospodine Fermić, vezano za ovu Informaciju o upravnim postupcima, da ćete reagovati zbog naziva tačke Dnevnog reda. Izvolite.

**Hajrudin Fermić:** Pozdravljam vas sve i izvinjavam se, nisam imao aposlutno namjeru...obzirom da je Komisija za Statut, Poslovnik i propise Općinskog vijeća, imala svoju 7. redovnu sjednicu u petak u 14,00h i zauzimala je svoje stavove i mišljenja po svakoj tački Dnevnog reda. Obzirom na tu kratkoću, ja pretpostavljam da su iz službe samo zbirno vama poslali zaključke, dakle sve na jednom papiru za svaku tačku iako je ono trebalo za svaku tačku posebno da vam se napravi zaključak i da se stavi u taj vaš dosije, po tačkama tako da kad otvarate dnevni red, kad otvarate

tačke imate i taj konkretni zaključak. Bit će tako. Da se ovdje radi samo o prijedlogu Dnevnog reda, koji je formulisan kao rasprava o Informaciji o upravnom postupku. Komisija je utvrdila da je obaveza dakle nadležnih službi da pošalje Općinskom vijeću Izvještaj, umjesto Informacije, komisija sugeriše Općinskom vijeću da danas ovaj akt tretira kao Izvještaj, obzirom da je služba inače pripremila taj akt kojeg imate kod sebe, aposlutno po propisima, po obrascima i po standardima koji su i propisani od viših organa vlasti i nema nikakvog razloga da ne raspravljate u formi Izvještaja.

**Predsjedavajuća Svjetlana Zamboni:** Samo sam to htjela da čujem, dakle vašu reakciju na sam naziv tačke pa da je usvojimo dakle u samom nazivu kao Izvještaj o upravnom rješavanju i provedenim upravnim postupcima Jedinog organa uprave za 2022. godinu. Eto samo to. Ko je za ovaj prijedlog dakle, da ova Informacija bude razmatrana u vidu Izvještaja prije svega, ko je za? Protiv? Uzdržani?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Šmailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (NES), Maid Suljaković, Eldin Pehrat, Adis Abdurahmanović, Edin Salatović, Edin Osmić, Safet Jašić, Jasmin Begić, Mirsad Bejić, Eldis Kusur (SDA), Aida Hadžić (DF).

**Glasalo protiv:** Nema.

**Uzdržanih:** Nema.

Jednoglasno smo usvojili, te u tom smislu predlažem Dnevni red ovako, kako sam ga i pročitala uz ovu izmjenu koju smo predhodno i usvojili. Ko je za usvajanje Dnevnog reda?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Šmailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Elvir Vehabović (samostalni vijećnik), Pero Mamić (HDZ BiH), Aida Bašić (NES), Maid Suljaković, Eldin Pehrat, Adis Abdurahmanović, Edin Salatović, Edin Osmić, Safet Jašić, Jasmin Begić, Mirsad Bejić, Eldis Kusur (SDA), Aida Hadžić (DF).

**Glasalo protiv:** Nema.

**Uzdržanih:** Nema.

## **AD 1. Prijedlog Odluke o naknadama za vatrogastvo**

**Predsjedavajuća Svjetlana Zamboni:** Prelazimo na prvu tačku a to je Prijedlog Odluke o naknadama za vatrogastvo, u tom smislu pročitat ću zaključak prije svega Komisije za statutarna pitanja koji glasi: „Nadležnosti Općinskog vijeća Maglaj za donošenje Odluke o naknadama za vatrogastvo je sadržana u preambuli predložene Odluke i propisana je odgovarajućim zakonom koji je naveden, te je komisija mišljenja da nema formalnih zakonskih smetnji da razmatra Odluku“. Otvaram raspravu, odnosno dajem riječ uvodničaru prije svega pa ćemo raspravljati o ovoj Odluci.

**Haris Šahman:** Prvo da poselamim i pozdravim sve prisutne i želim vam uspješan rad. S obzirom, da je prvobitno ova Odluka išla kao prijedlog Odluke o naknadi za vatrogastvo, pa je nakon zaključka Općinskog vijeća preinačena u Načrt održana je javna rasprava po pitanju ove Odluke, i evo opet je došla na red kao Prijedlog Odluke. Što se tiče, same Odluke evo već ste spomenuli da možemo hajdi da kažemo raspravljati o ovoj Odluci. Bilo je tu određenih izmjena u samoj Odluci, radna grupa koja je radila na tim izmjenama, na samoj odluci, pa možete primjetiti u samom uvodnom dijelu, općim odredbama i ostalim stavkama što se tiče Odluke obveznici plaćanja naknade. Član 7. je također vezan za pitanja koja su bila na prvoj sjednici, odnosno kad je bila kao prijedlog, vezano za firme, ko je oslobođen plaćanja ove naknade, kategorije visina naknade, pošto je ovdje bilo da kažem između određenih kategorija velika razlika u samoj visini naknade pa smo tu malo uspjeli da izbalansiramo. Ovo ostalo mislim da je ovdje jasan utrošak sredstava, namjena sredstava, načini plaćanja i vezano za obrazloženje i pravne osnove za donošenje ove same naknade, mislim da nema potrebe ponovo ponavljati zašto nam je jako bitno da se ova Odluka usvoji. Ako imate nekih pitanja na raspolaganju sam, hvala vam.

**Predsjedavajuća Svjetlana Zamboni:** Hvala Vam, na sjednici Kolegija napomenuto je da je i Privredni savjet razmatrao dakle ovaj prijedlog Odluke. Raspravljao dakle u fazi izrade same Odluke i da u principu da ovo miri i stavove koje su imali i privrednici na području općine Maglaj. Komisija za privredu također je mišljenja, jel tako? Mišljenja je, hoćete iznijeti zaključak ili...gospodine Galijaševiću? Niste vatrogastvo, dobro, meni je rečeno da jeste i ovu Odluku. Privredni savjet jeste to je na Kolegiju rečeno i Privredni savjet je podržao Odluku u ovakvom sadržaju. Dakle otvaram raspravu po ovom pitanju gospodin Begić izvolite.

**Vijećnik Jasmin Begić:** Ja vas sve selamim i pozdravljam i želim nam svima da brzo i korektno i u korist građana završimo danas ovu sjednicu. Prva tačka Dnevnog reda koja se odnosi na vatrogastvo je jedna od jako dobro pripremljenih tačaka Dnevnog reda i jako dobra pripremljena Odluka. Iz tog razloga što smo na zadnjim sjednicama je preinačili u Nacrt i da ide u javnu raspravu, međutim šta se desilo privatnici su pokazali jako malu zainteresovanost prema ovoj Odluci. Bez obzira na to što su i mediji o tome o javnoj raspravi dali tačne termine održavanja i društvene mreže, pa čak i sam ispunjavao obavezu vijećnika kojeg su izabrali ti privrednici lično kontaktirao da dođu na javnu raspravu, mali broj ljudi je bio na javnoj raspravi. Kada dođu naplate ovo sada što ćemo mi donijeti ovdje, onda će biti problem i onda će se ti privatnici fatati za glavu, šta je ovo, dodatni nameti, međutim kada treba izaći i reći svoj prijedlog njih nije bilo. Javna rasprava je bila fino organizovana, bila su stručna lica, bili su neki vijećnici, bili su privrednici koje sam lično pozvao i oni su došli, međutim nisam imao dovoljan broj telefona da zovem i ostale, tako da smo davali konkretne prijedloge na javnoj raspravi. Odluka je donošena jako dobro i kategorije su jako dobro donesene. Na javnoj raspravi smo to zajednički donijeli, međutim s čime se ne slažem ovdje a to je visina naknade. Ovaj namet je početni na našoj općini. U startu je krenuo sa jako visokim nametom, ne znamo koji će odziv toga biti, ne znamo koje su sankcije za ljude koji ne plaćaju. Ja predlažem da ovu Odluku usvojimo ovakvu a da sad smanjimo po kategorijama idetnično da smanjimo za 20, 30 nebitno koliko posto, iz tog razloga što je novi namet i što dajemo mogućnost da vidimo koji nam je povratni odnosno feedback od privrednika koji će morati to da plaćaju. Toliko.

**Predsjedavajuća Svjetlana Zamboni:** Članom 14. je definisano kako će se je li provoditi kaznene odredbe u skladu sa kojim zakonom, dakle to jeste već definisano Odlukom. Prije nego bude glasali šef Kluba SDA traži pauzu. Evo dakle, ja još jednom napominjem da kako je i rekao vijećnik Begić da je javna rasprava održana i rekao je to i uvodničar. Da je Privredni savjet također razmatrao, tako da pauza na zahtjev predsjednika Kluba SDA. Nastavljamo s radom, predsjednik Kluba SDA hoćete li poslije pauze iznositi stavove, nema potrebe. nastavljamo s raspravom. Ustavri ima li diskutantata prijavljenih. Dopredsjedavajuća se javljala za riječ.

**Vijećnica Aida Bašić:** Sve vas selamim i pozdravljam, želim da pohvalim donošenje ove Odluke, ustvari ako je usvojimo, nadam se da hoćemo. Odluka je dobro pripremljena i urađena, obzirom da je ovo materija koju ja nekim dijelom radim u svojoj firmi i znam koliko košta i koliko se izdvaja uopšte za zaštitu od požara. Firme koje imaju svoje vlastite vatrogasne jedinice, to odlično razumiju i drago mi je da ćemo na ovaj način pomoći našoj gradskoj vatrogasnoj jedinici, od koje svi očekujemo pomoć onda kad nam najviše i treba. Tako da ovi iznosi od 250, 00 i 300,00 KM vjerujte mi nije uopšte puno ako znate koliko privatna lica koja imaju svoju vatrogasnu jedinicu izdvajaju na godišnjem nivou. To su sume od 100, 200, 300 i više hiljada maraka. Samo jedno vatrogasno vozilo koje je Natron Hayat nabavio jučer je stiglo, koštalo je 435.000,00 KM. Ja vjerujem da ćete vi ovu Odluku podržati jer ovo je stvarno velika stvar za finansije koje će ići u svrhu razvoja naše vatrogasne jedinice.

**Predsjedavajuća Svjetlana Zamboni:** Ja bih samo kratak.

**Vijećnica Svjetlana Zamboni:** Obzirom da prvi puta donosimo ovakvu Odluku, ja bih samo zamolila da u provođenju ove Odluke budemo fleksibilni u smislu reakcija na provođenje Odluka u narednom periodu ukoliko bude trebalo doradivati Odluku. Ja bih samo molila Civilnu zaštitu da blagovremeno vijeću dostavlja ili amandmane ili već što je potrebno za ovu Odluku, da možemo uskladiti njeno provođenje, što će u principu biti najvažnije.

**Dopredsjedavajuća Aida Bašić:** Hvala predsjedavajuća.

**Vijećnik Jasmin Begić:** Samo kratka replika. Pored svih fiskalnih i parafiskalnih nameta koje imamo i koji su jako visoki, ovo je previsoko. U vijeću imamo privrednike i imamo sve. Da je izašao privrednik neki i rekao da to nije veliko, ja bih ga razumio. Pored svih tih komunalnih taksi, poreza, PDV-a, poreza na dobit i svega toga, ova visina naknade je jako velika. Ja se držim svog prijedloga da se ona umanjí barem za 30 % i da je tako izglasamo.

**Predsjedavajuća Svjetlana Zamboni:** Nema više diskutanta. Dakle imali smo jedan prijedlog a to je dođušé nedoređen decidno prijedlog vijećnika Begića da se iznosi iz Odluke umanje za 20-30 % po ukupnim iznosima pretpostavljam, ko je za? Vijećnik Begić je predložio da se iznosi iz Odluke umanje za 20-30 %. Ko je za?

**Glasalo za:** Jasmin Begić (SDA), Elvir Vehabović (samostalni vijećnik).

**Glasalo protiv:** Firuz Galijašević (SDP), Aida Hadžić (DF).

**Uzdržanih:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (NES), Maid Suljaković, Eldin Pehrat, Adis Abdurahmanović, Edin Salatović, Edin Osmić, Safet Jašić, Mirsad Bejić, Eldis Kusr (SDA).

Prijedlog nije dobio potrebnu većinu, te Odluku o vatrogastvu stavljam na glasanje. Ko je za ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (NES), Aida Hadžić (DF).

**Glasalo protiv:** Maid Suljaković, Jasmin Begić, Eldin Pehrat, Adis Abdurahmanović, Edin Salatović, Edin Osmić, Safet Jašić, Mirsad Bejić, Eldis Kusr (SDA).

**Uzdržanih:** Elvir Vehabović (samostalni vijećnik).

## ZAKLJUČAK

1.1. Donosi se Odluka o naknadama za vatrogastvo uz sugestiju da Služba civilne zaštite prati provođenje ove Odluke i reaguje blagovremeno, kako bi Općinsko vijeće Maglaj moglo reagovati amandmanski.

## AD2. Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2023. godinu

**Predsjedavajuća Svjetlana Zamboni:** Prelazimo na narednu tačku Dnevnog reda a to je Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2023. godinu. Vezano za drugu tačku, Komisija za statutarne pitanja, Poslovnik i propise dostavila je svoj zaključak u kojem kaže da nadležnost Općinskog vijeća Maglaj za donošenje Odluke o naknadama, pardon sve je pomiješano. Prijedlog Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2023. godinu razmatran je na sjednici statutarne komisije, ali vidiš utvrdila je sljedeće...nije mi dobar zaključak dostavljen gospodine Fermeću, rekli ste da leži nadležnost u svom zaključku, da leži na Općinskom vijeću i da nema formalnih zakonskih smetnji da Općinsko vijeće razmatra ovu Odluku. U tom smislu znate da smo uputili CIK-u dopis, od njih smo tražili da nam protumače Odluku koja je bila u prijedlogu na prošloj sjednici vijeća, Kolegij je upoznat sa dopisom CIK-a, koji je u principu rekao da nismo obavezni primljenivati dakle zakon koji se odnosi na državni nivo. Prema aktu CIK-a jedinice lokalne samouprave ne primjenjuju se odredbe Zakona o finansiranju, nego se postupa u skladu sa zakonom i da dakle Federacija nije uredila finansiranje političkih stranaka, te u tom smislu u općinski propis se mogu uvrstiti i samostalni vijećnici u raspodjeli ovih sredstava i parlamentarne vijećničke grupe, odnosno Klubovi vijećnika. U principu Odluka koja se nalazi pred nama ista je kao i Odluke iz predhodnih godina i na taj način

postupamo u skladu sa Odlukom o izvršenju Budžeta za ovu godinu i važećim Poslovnikom o radu Općinskog vijeća Maglaj. Otvaram raspravu. Izvolite Abdurahmanović.

**Vijećnik Adis Abdurahmanović:** Selamim i pozdravljam sve prisutne i želim nam danas brz i efikasan rad. U ovoj tački Dnevnog reda, ja iznosim stav Kluba vijećnika SDA, znači član 4. tačka a) kaže: "30% od sredstava dijeli se jednako svim političkim strankama koje su osvojile mandate a u obrazloženju Odluke stoji transferi finansiranje parlamentarnih grupa političkih stranaka rasporedit će se na korisnike, tako da se 30 % sredstava raspoređuje jednako svim parlamentarnim grupama političkim strankama 60 % se raspoređuje parlamentarnim grupama političkih stranaka srazmjerno broju vijećničkih mjesta koje svaka parlamentarna grupa svake stranke ima u trenutku raspodjele, dok se 10 % raspoređuje parlamentarnim grupama srazmjerno broju vijećničkih mjesta koja pripadaju manje zastupljenom spolu". Da li ovo u trenutku raspodjele odnosi se i na 30 % i na 60 % i 10 %. Obzirom da nije dovoljno jasno postavljen tekst u članu 4. Odluke a da CIK u svom odgovoru kaže da detaljan način raspodjele biti reguisan aktom Općinskog vijeća. Klub vijećnika SDA predlaže da se raspodjela sredstava parlamentarnim grupama političkih stranaka vrši u skladu sa brojnim stanjem u trenutku raspodjele i da u skladu sa tim prati i eventualne buduće promjene u skladu sa dosadašnjom praksom da li sredstava koja su predviđena raspodjelom za političke stranke prema broju osvojenih mandata u toj političkoj stranci bude uplaćena na račun samostalnog vijećnika koji je istupio iz te stranke.

**Predsjedavajuća Svjetlana Zamboni:** Hoćete ponoviti ja nisam razumjela, hoćete još jednom pročitati taj zadnji dio samo.

**Vijećnik Adis Abdurahmanović:** Klub vijećnika SDA predlaže da se raspodjela sredstava parlamentarnih grupama političkih stranaka vrši u skladu sa brojnim stanjem u trenutku raspodjele i da u skladu sa tim prati i eventualne buduće promjene i u skladu sa dosadašnjom praksom da dio sredstava koja su predviđena raspodjelom za političke stranke prema broju osvojenih mandata u toj političkoj stranci bude uplaćena na račun samostalnog vijećnika koji je istupio iz te stranke. Molim kratko obrazloženje i u konsultacijama sa predsjednikom Kluba vijećnika i nakon obrazloženja tražim pauzu.

**Predsjedavajuća Svjetlana Zamboni:** Ukoliko sam dobro razumjela Adise, tako smo do sada i radili i svaka promjena koja je nastajala u toku godine podrazumjevala je takvu raspodjelu jer smo imali slučajeve dakle u principu jeste i baš tako kako ste kazali. Hajte s govornice da uđe u zapisnik.

**Vijećnik Adis Abdurahmanović:** Da samo prošli put kad smo imali ovu tačku Dnevnog reda, tražili smo od šefice da nam obrazloži i da nam pripremi tačno jer nismo definisali prošli put šta se dešava jer smo imali tabelu u kojoj je ostalo onako. Nije bilo promjena.

**Predsjedavajuća Svjetlana Zamboni:** To je promijenjeno sada u raspodjeli, dakle onako kako sada vijećnici nastupaju u Općinskom vijeću i svaka promjena koja nastane u toku godine a to mogu potvrditi samostalni vijećnici tako da se prati. U principu naša najveća dilema u prošloj diskusiji bila je vezana za partije odnosno stranke A-SDA i NLB, SBB, dakle to su sve partije koje još uvijek postoje i koje imaju aktivne račune što je potvrđeno aktom CIK-a ništa više, a ono što pripada samostalnom vijećniku svakako se isplaćuje, bilo je tako. Tu su samostalni vijećnici pa mogu potvrditi, kako je išla isplata predhodne godine, što će biti svakako i ove godine. Tako da to već i jeste dio ove Odluke. Ima li još diskutanata. Nema, evo dakle mogu ovu Odluku staviti na glasanje. Pauza na zahtjev Kluba SDA. Samo još jedna napomena prije nego nastavimo sa diskusijom, dakle u skladu sa ovom Odlukom raspodjela sredstava će se vršiti kao i predhodnih godina i to za 10 vijećnika SDP-a, 9 vijećnika SDA, 1 vijećnik A-SDA i 1 vijećnik DF-a, 1 vijećnik HDZ BH, te samostalne vijećnike Elvira Vehabovića, Mustafu Bešića koji su obojica članovi Mješovitih klubova i Mirzu Bradarića, mislim da je to bilo ono, nije to u materijalu, to je dio evo mog ali eto da znate i neka uđe u zapisnik tako da je onda to upravo ono o čemu ste govorili. Ima li još diskutanata, nema, dakle ko je za donošenje Odluke o raspodjeli sredstava za finansiranje političkih stranaka zastupljenih u Općinskom vijeću Maglaj za 2023. godinu, svake godine donosimo ovu Odluku ko je za, protiv, suzdržan.

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF).Maid Suljaković, Jasmin Begić, Eldin Pehrat, Adis Abdurahmanović, Edin Salatović, Edin Osmić, Safet Jašić, Mirsad Bejić, Eldis Kusr (SDA).

**Glasalo protiv:** Nema.

**Uzdržanih:** Elvir Vehabović (samostalni vijećnik).

## ZAKLJUČAK

2.1.Donosi se Odluka o raspodjeli sredstava za finansiranje političkih stranaka zastupljenih u Općinskom vijeću Maglaj za 2023. godinu

**AD – 3:Prijedlog Odluke o usvajanju djelimične izmjene Urbanističkog plana Kosova po zahtjevu Mešić (Hasan) Elvira**

**Predsjedavajuća Svjetlana Zamboni:** Prelazimo na narednu tačku Dnevnog reda a to je Prijedlog Odluke o usvajanju djelimične izmjene Urbanističkog plana Kosova po zahtjevu Mešić (Hasan) Elvira i četvrta tačka također Prijedlog Odluke o usvajanju djelimične izmjene Urbanističkog plana Kosova po zahtjevu Husić (Fikret) Eldina, pa i tačka 5. Nacrt Odluke o usvajanju djelimične izmjene Regulacionog plana Kosova po zahtjevu Smajić Samila i Smajić Muradifa iz Kosove možda da nam ukoliko Nedžad bude uzlagao može to objediniti u svom izlaganju pa ćemo otvoriti pojedinačne rasprave za svaku tačku Dnevnog reda.

**Nedžad Čatić:** Pozdravljam sve prisutne, Prijedlog Odluke o usvajanju djelimične izmjene Urbanističkog plana Kosova po zahtjevu Mešić Elvira kao i ova sljedeća tačka, ta dva zahtjeva su već dva puta bila na Općinskog vijeću. 28.07.2022. godine donesena je Odluka o pristupanju izmjene, zatim 24.10.2022. godine je usvojen Nacrt, ova izmjena Urbanističkog plana i donesena je Odluka da se ova izmjena da na javni uvid i javnu raspravu. Javna rasprava je održana 07.02.2023. godine i nakon te javne rasprave uslijedio je ovaj dokument. Što se tiče ove tačke Odluka o usvajanju Nacrta djelimične izmjene Regulacionog plana Kosova po zahtjevu Smajić Samila i Smajić Muradifa, ona je isto bila u maju mjesecu prošle godine na vijeću, gdje je donesena Odluka o pristupanju djelimičnoj izmjeni i sad je danas je na Dnevnom redu Odluka o usvajanju Nacrta, nakon čega bi išao na javni uvid i javnu raspravu u roku od 20 dana da se održi javni uvid i javna rasprava.

**Predsjedavajuća Svjetlana Zamboni:** Hvala Nedžade, otvaram raspravu po Prijedlogu Odluke o usvajanju djelimične izmjene Urbanističkog plana Kosova po zahtjevu Mešić (Hasan) Elvira. Zatvaram raspravu po ovoj tački Dnevnog reda te Odluku stavljam na glasanje.

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF).Maid Suljaković, Jasmin Begić, Eldin Pehrat, Adis Abdurahmanović, Edin Salatović, Edin Osmić, Safet Jašić, Mirsad Bejić, Eldis Kusr (SDA).

**Glasalo protiv:** Nema.

**Uzdržanih:** Nema.

Vijećnik Maid Suljaković (SDA) i vijećnik Elvir Vehabović (samostalni vijećnik) van sale za vrijeme glasanja.

## ZAKLJUČAK

3.1.Donoši se Odluka o usvajanju djelimične izmjene Urbanističkog plana Kosova po zahtjevu Mešić (Hasan) Elvira.

**AD – 4:Prijedlog Odluke o usvajanju djelimične izmjene Urbanističkog plana Kosova po zahtjevu Husić (Fikret) Eldina**

**Predsjedavajuća Svjetlana Zamboni:** Otvaram raspravu po ovoj tački Dnevnog reda, zatvaram raspravu, ko je za ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF).Maid Suljaković, Jasmin Begić, Eldin Pehrat, Adis Abdurahmanović, Edin Salatović, Edin Osmić, Safet Jašić, Mirsad Bejzić, Eldis Kusr (SDA).

**Glasalo protiv:** Nema.

**Uzdržanih:** Nema.

Vijećnik Maid Suljaković(SDA) i vijećnik Elvir Vehabović (samostalni vijećnik) van sale za vrijeme glasanja.

### ZAKLJUČAK

4.1. Donosi se Odluka o usvajanju djelimične izmjene Urbanističkog plana Kosova po zahtjevu Husić (Fikret) Eldina

**AD – 5:**Nacrt Odluke o usvajanju djelimične izmjene Regulacionog plana Kosova po zahtjevu Smajić Samila i Smajić Muradifa iz Kosove

**Predsjedavajuća Svjetlana Zamboni:** Imamo Nacrt Odluke o o usvajanju djelimične izmjene Regulacionog plana Kosova po zahtjevu Smajić Samila i Smajić Muradifa iz Kosove, otvaram raspravu, zatvaram raspravu, ko je za ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF).Maid Suljaković, Jasmin Begić, Eldin Pehrat, Maid Suljaković, Adis Abdurahmanović, Edin Salatović, Edin Osmić, Safet Jašić, Mirsad Bejzić, Eldis Kusr (SDA).

**Glasalo protiv:** Nema.

**Uzdržanih:** Nema.

Vijećnik Elvir Vehabović (samostalni vijećnik) van sale za vrijeme glasanja.

### ZAKLJUČAK

5.1.Donosi se Odluka o usvajanju djelimične izmjene Regulacionog plana Kosova po zahtjevu Smajić Samila i Smajić Muradifa iz Kosove;

5.2. O Nacrtu djelimične izmjene Regulacionog plana „KOSOVA“ određuje se javni uvid u trajanju od 20 dana od dana usvajanja na Općinskom vijeću Maglaj.

**AD – 6:**Prijedlog Odluke o gubitku statusa javnog dobra u općoj upotrebi za k.č. br. 2811/4 k.o. Maglaj – predmet Bašić (Ibrahim) Esad

**Predsjedavajuća Svjetlana Zamboni:** Prelazimo na 6-tu tačku a to je Prijedlog Odluke o gubitku statusa javnog dobra u općoj upotrebi za k.č. br. 2811/4 k.o. Maglaj – predmet Bašić (Ibrahim) Esad, Nedžad, hoćete davati uvodnu riječ, ima li potrebe, nema potrebe. Otvaram raspravu, zatvaram raspravu po ovoj tački Dnevnog , te ovu tačku stavljam na glasanje. Ko je za ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF).Maid Suljaković, Jasmin Begić, Eldin Pehrat, Maid Suljaković, Adis Abdurahmanović, Edin Salatović, Edin Osmić, Safet Jašić, Mirsad Bejzić, Eldis Kusr (SDA), Elvir Vehabović (samostalni vijećnik).



**Glasalo protiv:** Nema.

**Uzdržanih:** Nema.

## ZAKLJUČAK

6.1. Donosi se Odluka o gubitku statusa javnog dobra u općoj upotrebi za k.č. br. 2811/4 k.o. Maglaj – predmet Bašić (Ibrahim) Esad.

**AD – 7: Izvještaj o radu općinskog organa uprave Općine Maglaj – Općinski načelnik za 2022. godinu**

**Predsjedavajuća Svjetlana Zamboni** . Prelazimo na sljedeću tačku Dnevnog reda to je Izvještaj o radu Općinskog organa uprave Općine Maglaj- Općinski načelnik za 2022. godinu. Načelnik se telefonski javio nažalost jako je bolestan i nije mogao prisustvovati ovoj sjednici Općinskog vijeća, šefovi službi su prisutni ukoliko bude nekih, potrebe za određena pojašnjenja ili odgovore na pitanja oni su tu da nam ponude odgovore. Otvaram raspravu, izvolite.

**Vijećnik Edin Salatović:** Selamim i pozdravljam , iznijet ću stav Kluba SDA, tačka 5. Pregled apliciranih i realizovanih projekata koji su u toku, skoro sve stavke se odnose na aktivnosti koje su realizovane sredstvima sa kantonalnog i federalnog nivoa ili eventualno donatorskim sredstvima, veoma malo je uloženo sredstava iz Općinskog Budžeta za implementaciju i realizaciju infrastrukturnih projekata iz Plana kapitalnih investicija 2022-2024 godina i ono što je napisano je uopšte, npr...

**Predsjedavajuća Svjetlana Zamboni:** Ja se izvinjavam gospodine Salatoviću, Nermin na kojeg se odnosi ova diskusija uopšte nije prisutan u Sali, jel Vas mogu Anto zamoliti da ga pozovete da ude. Ja Vam se zahvaljujem i izvinite što sam Vas prekinula. Nermine, diskusija se vodi o onome za što ste vi zaduženi na ovoj sjednici pa Vas molim samo da budete prisutni. Izvolite gospodine Salatoviću.

**Vijećnik Edin Salatović:** Veoma malo je uloženo sredstava iz Općinskog Budžeta za implementaciju i realizaciju infrastrukturnih projekata iz Plana kapitalnih investicija 2022-2024 godina i ono što je napisano je uopšte, npr najstajanje i izgradnja objekata vodosnabdjevanja, nema preciznih podataka šta je izgrađeno, sanirano i rekonstruisano. Rekonstrukcija 1560 m lokalnih puteva, koliko je izgrađeno, koliko je sanirano, koliko je rekonstruisano itd.

**Predsjedavajuća Svjetlana Zamboni:** Hvala lijepo. Ima li još diskutanata? Nema prijavljenih diskutanata, Nermine, da li ćete se osvrnuti na ovaj dio diskusije vijećnika Salatovića.

**Nermin Bešlić:** Pozdravljam sve prisutne, što se tiče ovog komentara znači, vidjeli ste u samom Izvještaju čitav ovaj popis ovih projekata koji su tokom 2022. godine aplicirani, pripremljeni i dobar dio njih je realiziran i s te strane znači, otprilike nisu davane detaljne informacije o samim projektima nego su informacije na određeni način, hajmo reći uopšteno taksativno pobrojane i zaista da se svaki od onih projekata obrazlaže detaljnije to bi iziskivalo dokument od nekoliko stotina stranica. S te strane što se tiče ove primjedbe koji lokalni putevi i vodovod i ostalo već na sljedećoj sjednici Općinskog vijeća bit će razmatran Izvještaj o realizaciji Plana kapitalnih investicija i novi Plan kapitalnih investicija za naredni period tako da na narednoj sjednici u okviru Izvještaja o realizaciji Plana kapitalnih investicija imat ćemo svaku putnu dionicu pobrojane sa iznošom, sa dužinom sa svim tim elementima vodovod, rasvjeta i ostalo.

**Predsjedavajuća Svjetlana Zamboni:** Hvala lijepo, to je to. Nema više diskutanata prijavljenih te samim tim dakle ovaj Izvještaj stavljam na glasanje. Ko je za usvajanje Izvještaja ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF).

**Glasalo protiv:** Maid Suljaković, Jasmin Begić, Eldin Pehrat, Maid Suljaković, Adis Abdurahmanović, Edin Salatović, Edin Osmić, Safet Jašić, Mirsad Bežić, Eldis Kusur (SDA), Elvir Vehabović (samostalni vijećnik).

**Uzdržanih:** Nema.

Vijećnik Arif Mujkanović (SDP) je van sale za vrijeme glasanja.

## ZAKLJUČAK

7.1. Usvaja se Izvještaj o radu općinskog organa uprave Općine Maglaj – Općinski načelnik za 2022. godinu.

**AD – 8: Program rada općinskog organa uprave Općine Maglaj – Općinski načelnik za 2023. godinu**

**Predsjedavajuća Svjetlana Zamboni:** Prelazimo na narednu tačku Dnevnog reda a to je Program rada općinskog organa uprave Općine Maglaj- Općinski načelnik za 2023. godinu. Gospodin Osmić.

**Vijećnik Edin Osmić:** Ja bih sve da vas pozdravim i iznosim stav Kluba SDA, godišnji plan rada Općine Maglaj za 2023. godinu predstavlja provedbeni dokument na osnovu kojeg se implementira glavni projekat koji glasi: „održiv i uravnotežen razvoj, prosperitet i kvalitet života građana Maglaja“, valjda bi trebalo da stoji građana općine Maglaj jer više od 50 % stanovnika živi van Maglaja u ruralnim dijelovima općine. U Programu se dalje kaže kapitalni projekti, investicije bit će realizovani u skladu sa Planom kapitalnih investicija, međutim svjedoci smo da realizacija aktivnosti baš i ne prati ono što je napisano u Planu kapitalnih investicija nego se radi po nekim drugim planovima. S ciljem uspostavljanja racionalnije i efikasnije i profesionalnije uprave nastavit će se aktivnosti na daljem poboljšanju organizacije opštinskih službi i rada općinske uprave u cjelini. Predviđeno je stručno usavršavanje postojećih kadrova i zapošljavanje stručnih kadrova. Nadamo se opet da neće kao u nekoliko posljednjih godina zaposlenje dobiti podobni a ne sposobni kadrovi. U sklopu demografske politike predviđene su aktivnosti koje imaju za cilj djelimično poboljšavanje uslova za mlade i obitelji te ugrožavanje negativnih posljedica iseljavanja i negativnog prirodnog priraštaja. Klub vijećnika SDA u više navrata je predlagao povećanje sredstava u Budžetu Općine za demografski, ali prijedlozi nisu prihvaćeni. Tako da ne vjerujemo u iskrene namjere vlasti da nešto konkretnije preduzme po pitanju demografske politike. Isto se odnosi na poticanje poljoprivredne proizvodnje, Klub vijećnika SDA je u više navrata predlagao i povećanje sredstava u Budžetu Općine za ove namjene ali predlagao je i poticanje nekih kultura koje nisu obuhvaćene Programom poticaja kao i sistem. Poticanje po proizvedenoj i predatoj na otkup količini za određene privredne kulture. Iz redovnih aktivnosti Općinskog načelnika možemo u ovom dokumentu vidjeti i planirane posjete i intenzivnije saradnje sa mjesnim zajednicama i vršenje intenzivnijeg nadzora nad radom istim. Baš nas interesuje kako će neko ko je uložio ogroman trud i energiju u gašenje i umanjenje značaja mjesnih zajednica u posljednjih 4-5 godina sada uspostavljati saradnju i jačati veze sa mjesnim zajednicama. Napominjemo da su rezultati uplitanje u rad mjesnih zajednica doveli do toga da od 2018. do danas nemamo Statute mjesnih zajednica tako da se još uvijek iste nalaze u svojevrsnom pravnom vakumu. Na kraju kod mogućih problema i rizika za realizaciju godišnjeg plana rada, za čije provedbe je potrebno osigurati značajne finansijske resurse konstatuje se da manji dio sredstava za provedbu ovog plana dolazi iz Budžeta Općine dok značajniji dio planira iz eksternih izvora među kojima dominiraju i viši nivoi vlastih i međunarodne organizacije. Šta reći, to valjda tako mora biti kad se ne kreira razvojni Budžet, tako da će Klub vijećnika SDA biti protiv ove tačke.

**Predsjedavajuća Svjetlana Zamboni:** Hvala, gospođa Hadžić, izvolite.

**Vijećnica Aida Hadžić:** Da vas i ja pozdravim. Što se tiče Opštinskog odbora DF-a kao vijećnik ispred stranke DF-a da kažem da se slažemo sa ovim Planom, odnosno da smatramo da je pozitivan barem kada je u pitanju ova metodologija koja se koristi nova u izradi. Ono što mi imamo primjedbnu a to je oblast turizma. Smatramo da je potrebna revizija strategije razvoja turizma, imamo novi zakon, imamo nove zahtjeve i inicijative građana posebno navodimo primjer Udruženja građana Fojničani i njihov projekat 3 grada, 3 Parka prirode, gdje mi ako želimo

podržati taj projekat, moramo imati prateću infrastrukturu a posebno naglašavamo osnivanje turističke organizacije naše općine. Imamo problem Starog grada, problem Gradine, Park prirode Bistrica, imamo potencijala a posebno što smatramo da je neophodno našoj općini a to je Zavičajni muzej. Ja onako kad se priča o turizmu zaista i u školi kad govorim ja to govorim iz srca, možda malo i previše emocije unosim u to jer zaista volim ovaj grad i smatram da imamo jako puno potencijala. Ja smatram da je Maglaj, to uvijek i govorim jedan od najljepših malih gradova u cijeloj BiH. Da imamo specifičan Stari grad, da je on posebno odvojen od Novog grada. Da je Novi grad rađen planski, da je Maglaj jako čist, uredan grad. Da imamo šta da ponudimo turistima i kad čujem da ekskurzije idu recimo u Tešanj što naravno trebaju ići i tamo a da niko ne dolazi nama. Nemamo organizovan pristup, odnosno nemamo organizovanu ponudu, to je nešto što mene posebno boli. Da podsjetimo da Strategija razvoja turizma i turističkih potencijala ističe sljedeće godine a do sada nije urađena ni informacija ni analiza rezultata provođenja iste, tako da bi možda ovo trebalo raditi više po tom pitanju. Koliko sam ja vidjela da je predviđena podrška od 3.000,00 KM, smatram da je to nedovoljno.

**Predsjedavajuća Svjetlana Zamboni:** U principu Vi ste sugerisali da se Strategija razvoja turizma dogradi, da se više pažnje posveti...

**Vijećnica Aida Hadžić:** U planu je predviđeno 3.000,00 KM , kao podrška razvoju turizma smatramo da je nedovoljno jer ima toliko problema da bi trebali više sredstava izdvojiti da se radi. Turistička organizacija nije projekat to ipak treba...

**Predsjedavajuća Svjetlana Zamboni:** U principu se odnosila diskusija na Strategiju razvoja turizma koja i ističe, i koja bi trebalo da nadogradi turistički sadržaj i sve ovo o čemu ste govorili i da obuhvati svakako u svojoj strategiji i Zavičajni muzej i sve ovo što se kazali kroz svoju diskusiju. ima li još diskutanata. Ukoliko nema diskutanata, zaključujem raspravu po pitanju Programa rada općinskog organa uprave Općine Maglaj-Općinski načelnik za 2023. godinu. Što se tiče konkretnih prijedloga kroz diskusije koji su proizašli to je prijedlog vijećnice Hadžić, dakle da Strategija razvoja turizma na općini Maglaj obuhvati i taj segment o kojem ste govorili, sada da ne ponavljam sve i to je to. Što se tiče sugestije koju je iznio vijećnik iz Kluba SDA, dokument se zove Plan rada za 2023. godinu-Općinskog načelnika i službi za upravu a sam obrazac zove se Godišnji plan rada Općine Maglaj za 2023. godinu tako da dokument kao dokument zapravo i pokriva cijelu općinu. Na glasanje stavljam Plan i program rada, ko je za ?

**Glasalo za:** Svjetlana Zamboni, Elvir Arnautović, Jasmin Đuhara, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF).

**Glasalo protiv:** Maid Suljaković, Jasmin Begić, Eldin Pehrat, Maid Suljaković, Adis Abdurahmanović, Edin Salatović, Edin Osmić, Safet Jašić, Mirsad Bejić, Eldis Kusur (SDA), Elvir Vehabović (samostalni vijećnik).

**Uzdržanih:** Nema.

## ZAKLJUČAK

8.1. Usvaja se Program rada općinskog organa uprave Općine Maglaj – Općinski načelnik za 2023. godinu

**AD – 9: Plan i program rada „Komunalno javno društvo“ d.o.o. Maglaj za period 01.01. – 31.12.2023. godine**

**Predsjedavajuća Svjetlana Zamboni:** Prelazimo na devetu tačku Dnevnog reda a to je Plan i program rada „Komunalno javno društvo“ d.o.o. Maglaj za period 01.01. – 31.12.2023. godine. Otvaram raspravu, izvolite gospodin Jašić.

**Vijećnik Safet Jašić:** Selamim i pozdravljam sve prisutne i Klub vijećnika SDA je razmatrao ovaj materijal i ja ću iznijeti stav Kluba po ovom pitanju. Iz Plana i programa KJD Maglaj, može se vidjeti da je od svih aktivnosti koje obavlja KJD akcenat dat na sektor vodovoda i kanalizacije koji posluje sa gubicima zbog skupog održavanja i niske cijene vode, pa se sugerije poskupljenje vode

iz tog razloga. Dalje, akcenat se daje sektoru za održavanje javne higijene gdje se isto planira poskupljenje usluga odvoza smeća. Smatramo da gubitke u sektoru vodovoda i kanalizacije KJD može pokriti preaspodjelom sredstava dobijenih ostavrenjem profita u drugim sektorima, odnosno u drugim djelatnostima kojima se bavi kao npr. pijaca, održavanje zelenila, parkinzi itd ili proširenje mreže na Liješnicu čime bi se dobili novi korisnici. Ovdje se misli na proširenje mreže vodovoda znamo da mjesna zajednica Liješnica ionako ima problema sa pitkom vodom i smatramo da bi KJD profitiralo u ovom slučaju.

**Predsjedavajuća Svjetlana Zamboni:** Hvala lijepo. Pauza prije glasanja, samo da vidim da li ima još vijećnika gospodine Bradarić, nema vijećnika prijavljenih za diskusiju izvolite.

**Mehmed Bradarić:** Dobro jutro svima, ja se nadam da smo na vrlo lucidan i vrlo objašnjiv način ovo prezentirali, tako da čude me ovakva pitanja ali ja ću najprije malo prepričati ovaj Program naš. Dakle na strani broj 3 imate ono što se odnosi na vodovod i kanalizaciju i mi ovdje imamo navedena naša izvorišta. Ovo je jako važno da kažem postopje tri izvorišta za vodosnabdjevanje dakle to je prvo izvorište kopani i bušeni bunari i njihov kapacitet je 10 l u sekundi, drugo izvorište je Bistirca i njen kapacitet je 25 l u sekundi i treće izvorište je kopani, odnosno horizontalni drenažni bunar koji je kapaciteta također 25 l u sekundi. Samo treba znati da su ova dva zadnja izvorišta koja sam spomenuo sinhronizovani. Znači, jedan kad radi, drugi ne radi tako da je kapacitet negdje oko 35 l u sekundi. Prošle godine smo mi imali negdje oko 10-tak redukcija to smo uradili, morali smo da malo sistem odmorimo. Znamo da je bila enormna suša, velika suša. Možda nismo ni to trebali ali to ukazuje na način da treba nešto uraditi po pitanju rekonstrukcije čitavog sistema. Mi smo ovdje predložili šta ustvari treba. Treba napraviti još jedan horizontalni bunar, odnosno drenažni bunar i to čitavo vrijeme govorimo u svakom programu ko ima program od prošle godine. U svakom tom programu piše zato sam i izašao da to podcrtam, dakle treba napraviti još jedan takav bunar zato što se zahvata iz Natrona negdje oko 50 l u sekundi. 25 litara zahvati taj bunar ali 25 l jednostavno pobjegne i dođe na ovu površinu ovdje i dođe tako da vi u gradu zakopate pumpu vode već na 5 metara ima. To je investicija, za investiciju nije zaduženo komunalno. Investiciju vrši nadležni organ Opština, dakle komunalno nema sredstva za tu vrstu investicije, dakle mi samo upravljamo vodovodom i ne možete to raditi ako vam je prihod 380.000,00 KM godišnje a razhodi su 660.000,00 KM. Dakle vi ste odmah u minusu 200.000,00 KM tako je bilo i 2021. i 2020. godine i vi jednostavno niste i niste na kraju krajeva ni zaduženi. Podsjetit ću vas da sam ja nekada kada sam radio, kada sam bio načelnik mi smo riješili pitanje vodosnabdjevanja grada i to 24h snabdjevanje grada. Nisam opterećivao komunalno mi smo to tamo uradili. Gubitci su 49 % i to su u nekim granicama, recimo vodovod Sarajevo, ima gubitke 70 %. Oni koji su u mega projektu, to je zaista jedan mega projekat i mi nismo učesnici u tom mega projektu, zato što Općina nema strategiju razvoja vodosnabdjevanja i nema operativni Budžet, planirana sredstva u tom Budžetu i oni koji su tom projektu, oni su došli do 30 % gubitaka i ne trude se dalje da idu jer ako hoćete da smanjite gubitak za 1 % itd morate uložiti velike pare i tu ljudi prosto staju. Ovdje ovaj pumpni sistem je jako ozbiljna stvar, mi tu jako puno ulažemo. Uvijek imamo u rezervi čitav taj sistem ali sistem troši velike količine energije, struje i mi smo u tom pogledu pokrenuli aktivnosti, izmijenili smo Statut, doregistrovali Statut itd. Onda smo se obratili Elektroprivredi da nam da saglasnost da možemo gore postaviti solarne panele, došao je negativan odgovor i zato što ta imovina nije naša. To nisu naša stalna sredstva i vi tu ne možete ništa. Dakle, i tu smo skućeni, kada je u pitanju proizvodnja naše vlastite struje, moram priznati da ni fondovi više... prošle godine Fond za zaštitu okoliša nije dao ni jednu jedinu marku, čak i poništio onaj konkurs. Na strani 8. imate tabelu koja to kaže, koja kaže koliki su samo izdaci za vodomaterijal. Vodomaterijal je poskupio 100 %.

**Predsjedavajuća Svjetlana Zamboni:** Gospodine Bradariću, mogu li Vas samo nešto zamoliti, mi ćemo u skladu sa onim zaključkom Općinskog vijeća mi ćemo razmatrati mogućnost poskupljenja. Mislim na one informacije koje će biti potrebne kako bi vijeće dobilo dovoljno informacija vezano za poskupljenje vode na području općine Maglaj i mislim da ćemo tada i biti u prilici da sve ove detalje baš raščlanimo dakle u detalje. Ja bih voljela da se danas fokusiramo generalno na Program

rada preduzeća za naredni period za ovu godinu a da ove probleme o samom vodovodu a jesu ozbiljni i veliki ostavimo za diskusiju u okviru.

**Mehmed Bradarić:** Ali kako da razgovaramo o problemima ako podnesete određene amandmane i ne prođu jednostvano. Kako da razgovarate o problemima ako nemate baš podršku, kad će to biti. Zaključak je bio, ima zaključak vijeća po pitanju cijena itd. dakle ovo je Program i ono evo na strani 9 kaže, evo napomene koje kažu da nama vodovod na Bijeloj Ploči... vi to ne možete nikada nam nije dat na upravljanje. Dakle već je 7 godina kako vodovod na Bijeloj Ploči i da ne govorimo o problemima koje mi imamo kroz to. Nikada nije urađena Strategija vodosnabdjevanja i da ne govorim koje nam probleme to stvara. Nikada nije urađen elaborat o zaštiti izvorišta rijeke, odnosno vode za piće na Misuričkom polju i nikada nije... a urađen je onaj elaborat bilo je na sjednici vijeća mislim 19, 18 godine i taj elaborat je usvojen i on je dao rezultate na Bistrici gore nemate više eksploatacije šljunka, nemate eksploatacije kamena, šume itd. Imate gore lijepo uređen prostor ali nikada nije donesen ovaj elaborat o zaštiti izvorišta vode za piće u Misuričima a bio je na vijeću, mi smo napravili i platili itd. On nam stvara probleme, ne možete vi planirati nešto ako nemate riješen taj problem itd. da ne govorimo o drugim stvarima, da ne govorimo o cjenovniku. Valjda ćemo imati priliku da o tome razgovaramo. Dakle, ja govorim o tome o mogućnosti u budućnosti u situaciji kad su enormno cijene povećane, postavlja se pitanje. Mi smo do sada funkcionisali. Dakle dobit imali ste prije nekoliko mjeseci ovdje Odluku o dobiti koja nije usvojena ali sad ćemo imati sigurno gubitak zbog enormnih poskupljenja, užasnih poskupljenja. To je neodrživo i nezadrživo. Evo sada ni ja neću da o tome razgovaram ali morate znati da je ovo Općinsko vijeće osnivač KJD i član 19. stav 8 kaže. "Ukoliko organ, dakle Općinsko vijeće utvrdi nižu cijenu usluge za ekonomske cijene koštanja ili je ne usaglasi sa rastom cijena, onda je isti organ davalac komunalnih usluga obavezan nadoknaditi ta sredstva". Dakle član je vrlo jasan i mi ćemo na kraju morati postupiti po tome da bismo nešto u budućnosti uradili. Poštujem, neću dalje ali ovo je prilika da se neke stvari ipak kažu i iznesu i tu ima u materijalu piše tu praktično sve. Dakle, mi smo sve s naše... Fondovi mi smo četiri godine prisutni na fondovima i tu smo izdejsvovali preko pola miliona maraka. Sad su prošle godine i oni presušili Fond za zaštitu okoliša nije nikome marke dao ili ovaj kantonalni sveo to na minimum. Eto toliko.

**Predsjedavajuća Svjetlana Zamboni:** Hvala najljepša. Dakle bit će zaista prilike da detaljno raspravljamo o pitanjima vezanim za vodu poskupljenje, stanje vodovodne mreže na području općine Maglaj na tački Dnevnog reda koja će se ticati samo toga. Da li ima još diskutana, nije bilo prijavljenih prije nego se direktor prijavio a Maid, predsjednik Kluba SDA je tražio pauzu prije nego što glasamo. Nastavljamo s radom uz podsjećanje da u pola 11 imamo polaganje cvijeća na centralnom spomen obilježju a potom i održavanje svečané akademije povodom Dana nezavisnosti. Maide, imali ste pauzu hoćete li iznositi stav? Samo ćete glasati. Zatvaram raspravu po ovoj tački Dnevnog reda, te Plan i program rada KJD d.o.o. Maglaj za period 01.01.-31.12.2023. stavljam na glasanje, ko je za ?

**Glasalo za:** Svjetlana Zamboni, Elvir Arnautović, Jasmin Đuhara, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF), Elvir Vehabović (samostalni vijećnik).

**Glasalo protiv:** Maid Suljaković, Jasmin Begić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bežić(SDA).

**Uzdržanih:** Nema.

Vijećnici Edin Osmić i Eldis Kusr su van sale za vrijeme glasanja.

## ZAKLJUČAK

9.1. Usvaja se Plan i program rada „Komunalno javno društvo“ d.o.o. Maglaj za period 01.01. – 31.12.2023. godine;

9.2. Ovlašćuje se predsjedavajuća Općinskog vijeća Maglaj da da saglasnost opunomoćeniku ispred državnog kapitala da na Skupštini „Komunalnog javnog društva“ doo Maglaj glasa za Plan i program rada Komunalno javnog društva doo Maglaj za period 01.01. – 31.12.2023. godine;

## **AD – 10: Plan i program rada i razvoja J.P. „Veterinarska stanica“ Maglaj d.o.o. za 2023. godinu**

**Predsjedavajuća Svjetlana Zamboni:** Prelazimo na Plan i program rada i razvoja J.P. „Veterinarska stanica“ Maglaj d.o.o. za 2023. godinu. Otvaram raspravu, gospodin Bežić. Konstatujem da se gospodin Osmić vratio u salu.

**Vijećnik Mirsad Bežić:** Selamim i pozdravljam sve prisutne, Klub vijećnika SDA razmatrao je Plan i program rada i razvoja J.P. „Veterinarska stanica“ Maglaj d.o.o. za 2023. godinu. Kako se navodi u materijalu u 2023. godini trebalo bi da J.P. „Veterinarska stanica“ Maglaj realizuje projekat skloništa za napuštene pse i pse lualice a akcenat se daje na liječenje malih životinja i kućnih ljubimaca. Plan i program se temelji na održavanju dosadašnjih poslovnih rezultata iz predhodnih godina. U potpunosti neambiciozno i pogubno za samo preduzeće, što se vidi iz uloženog truda u izradu dokumenta.

**Predsjedavajuća Svjetlana Zamboni:** Dalje, gospodin Bešić izvolite.

**Vijećnik Mustafa Bešić:** Evo i ja vas sve selamim i pozdravljam pošto izlazim prvi put, po pitanju Plana i programa rada i razvoja J.P. „Veterinarska stanica“, ja bih se isto nadovezao na kolegu Bežića po pitanju pasa lualica da nam se pomogne u rješavanju ovog pitanja. Znaete, na našoj općini Maglaj pogotovo u mjesnim zajednicama imamo velik broj pasa lualica koji se nevjerojatnom brzinom razmnožavaju. Evo s tim ja direktora javne ustanove upoznajem da nam pomogne, znam da nije to njegova nadležnost i da je to teret Općine i države ali evo da nam nađe, da nam pomogne neki modus kako bi...evo ja sam se i Općini obraćao i Općina ima problem pošto nemamo taj smještaj za pse lualice a kod nas su unazad godinu dana došlo do ugriza 2-3 osobe. Znaete imamo veliki problem, stvarno ogromno se razmnožavaju i evo u tom smislu ja ću kao vijećnik podržati Plan i program. Evo da nam se ako ikako može iznađe način, modus evo i službe iz Općine su tu i direktor da pokušamo smanjiti da suzbijemo...eto toliko hvala.

**Predsjedavajuća Svjetlana Zamboni:** Hvala vijećniku Bešiću, nekako se uvijek ova diskusija kada je Veterinarska stanica u pitanju uvijek se svedemo na raspravu o psima lualicama. Znam da direktor preduzeća provodi određene aktivnosti ne znam hoće li malo se osvrnuti i na taj dio li evo da se Ameri držite ovog Programa rada.

**Amer Šehović:** Pozdravljam i selamim sve prisutne u Sali, vijećnike i sve. Vidim da je problematika Veterinarske stanice uglavnom vezana za pse lualice. Ja bih samo htio kao što je gospodin prije mene naznačio da Veterinarska stanica zaista nema ništa s tim ali da iskreno pokušava u zadnja tri mjeseca da iznađe rješenja s kojim bi bili zadovoljni i vi i Općina Maglaj. Mi smo Općini ponudili jedan projekat koji je već zaživio krajem četvrog kvartala 2022. godine i nastavili smo ga. Ono što je u okviru naših nadležnosti, naših mogućnosti i zakonskih propisano, mi smo počeli sa sterilizacijom ili kastracijom pasa lualica ali na području grada. Dakle u tom programu ponuđena su i prigradska naselja od Poljica, Omerdinog polja, Bijejele Ploče itd. mi zasada radimo na tom projektu. Sklonište za životinje nije lako otvoriti, dakle morate ispoštovati dosta uslova. Mi ćemo pokušati u 2023. godini da mnogo ozbiljnije pristupimo tom problemu, ono što možemo sami uraditi odradit ćemo. Napravili smo u 2022. godini jednu dobru hiruršku salu za izvođenje najprije takvih operacija. Obučili smo kadar i počeli smo s tim aktivnostim, međutim ono što nam nedostaje, nedostaje nam to sklonište. Dakle, u velikom broju slučajeva pronađemo pse, uhvatimo ali ih mi ne možemo zadržati, zakonski ne smijemo ih mi eutanazirati. Ako bi u 2023. godini makar u prvoj polovini izgradili sklonište za makar 30-40 pasa lualica velikim dijelom bi riješili ovaj problem. Tako da bi se nastavila saradnja sa Općinom da se kroz niz godina riješi taj problem trajno. Vi jeste sad spomenuli da je veliki broj pasa lualica u ovim mjesnim zajednicama van područja grada, međutim i dosadašnja praksa Općine Maglaj bila da se uglavnom riješi pasa lualica na teritorij grada. Mi smo i ponudili taj program da bude područje grada i prigradskog naselja. Mi smo stvarno dobre rezultate postigli u ova zadnja dva mjeseca, s tim što smo upoznati s brojem pasa lualica. Istina je kao što ste rekli da je broj pasa lualica u ovim

mjesnim zajednicama nazovimo ih seoskim mnogo veći ali na području samog rada i nije toliko. Dakle jedno sklonište manjih kapaciteta riješilo bi taj problem bar za početak, da se riješi u prigradskim naseljima i na području samog grada. Ono što ste i vi vidjeli vjerovatno ste vidjeli ove cuke sa žutim markicama. Već smo uspjeli kod velikog broja smanjiti tu reproduktivnu, ustvari uništiti tu reproduktivnu moć da ih ne bude. Ja znam samo na području Omerdinog polja trenutno imate negdje oko 14 malih koji će za 2-3 mjeseca s početkom proljeća već biti veliki i sposobni za reprodukciju. Osnovni problem je što mi nemamo sklonište ali se intenzivno vode pregovori i sa Općinskim načelnikom da u dogledno vrijeme napravimo makar jedno sklonište manjeg kapaciteta. Je li ima još pitanja, vidim da se ova veterinarska služba uglavnom svodi na ono što ustvarni manje-više i nije naša nadležnost. Znam da nas sve tišti taj problem i ja mislim da i u 2023. godini dakle mi smo spremni rješavati taj problem ali vidim da je i Općina ponudila ozbiljnu saradnju na rješavanje ovog problema.

**Predsjedavajuća Svjetlana Zamboni:** Hvala Vam gospodine Šehoviću, ako bude još pitanja bit će postavljena s govornice. Hvala Vam, hajte Vi sjedite tu gospodine Šehoviću kod Adija, da ne morate. Izvolite Abdurahmanović.

**Vijećnik Adis Abdurahmanović:** Ja ću se bazirati baš na one stvari koje Veterinarska stanica može uraditi. Ja znam kolega Bešić problem koji je iznio to nije Veterinarska stanica zadužena za to ali evo vidjeli smo u materijalu a jednim dijelom je gospodin direktor odgovorio, ja znam da jedan ozbiljan azil da se napravi trebaju velika sredstva, veliki projekat ali evo odgovorio nam je da bi to bilo nekih manjih kapaciteta. Jedno samo pitanje, pošto znam da postoji zakon i da se primjenjuje i u drugim gradovima pa bih samo postavio pitanje. Znam da je i na području općine Maglaj prije dvije godine krenulo sa primjenjivanjem ovog zakona da se, a to je to nešto što bi Veterinarska stanica mogla uraditi a da u jednu ruku i smanji količinu napuštenih pasa. Mi svi znamo da stoji u zakonu da nema više ni pelcovanja što je obavezno. Pelcovanje protiv bjesnila ako pas nije čipovan. Znači, prvo čip i onda pelcovanje. Sad samo jedno pitanje direktoru, kako naši građani prihvataju to, kako odgovaraju i da li Veterinarska stanica popušta pri tome ako ja kao vlasnik pasa kažem ne ja neću da čipujem ali bjesnilo. Ne može jedno bez drugog, tako u zakonu stoji. Samo me zanima kako građani na to reaguju, da li ide to jedno uz drugo ili dođete u situaciju da nekom...jel to jedan način kad ga ja čipujem on neće na ulici završiti sigurno jer ima onda način na koji ćete me kazniti.

**Amer Šehović:** Ovako samo da odgovorim i ujedno da objasnim. Čipovanje pasa upravo postoji zbog toga jer mnogi vlasnici uzmu psa radi djeteta, radi ne znam iz drugih razloga imaju pa ga onda kasnije poslije 2 mj puste. Upravo je zbog toga i zakonski određeno da se pas prvo čipuje, dakle identifikuje ukoliko bi se onda kad se pusti na ulicu da bi se znao čiji je i kako je došao na ulicu. Rekao sam da prikupljamo jako veliki broj podataka uz sve ovo što radimo u zadnja 3 mjeseca i ja ću vam reći da sam nalazio pse kad ga dovedemo u stanicu prvo ga očitamo. Našao sam veliki broj vlasničkih pasa. Sreća posjedujemo bazu podataka u kojoj nađemo vlasnika, nazovemo ga telefonom i kažemo vaš pas je ovdje. Mi smo konstatirali i ostale općine u okruženju, ove naše susjedne za razliku od njih mi imamo veliki broj čipovanih pasa, gospodin je i na prošlom Općinskom vijeću, ne znam tačno broj ali imamo negdje oko 1000 znači, slušajte rekao sam 1000 jer dosta njih nestane, ugine ali se novi pridružuju. Ne mogu se požaliti odziv građana je jako veliki. Dešavaju se situacije evo imali smo situaciju prije 2-3 sedmice kada je kolega vakcinisao pasa kod čovjeka koji je to uporno odbijao ali u interesu zdravlja ljudi i životinje vakcinisao ga je bez čipa. Na kraju poslije sedam dana on je ugrizao ovog na Omerdinom polju ako znate za taj slučaj. Nekad dođemo u situaciju da li zbog nedostatka sredstava kod vlasnika da odradimo ali je to u jako malom procentu 1-2 % inače odziv u općini Maglaj je jako dobar što se tiče čipovanja i vakcinacije.

**Predsjedavajuća Svjetlana Zamboni:** Hvala Vam gospodine Šehović, gospodin Šehić je imao pitanje pa Vas molim samo da ustupite govornicu.

**Vijećnik Senad Šehić:** Sve vas pozdravljam, evo iskreno želim da pohvalim sve ove napore koje preduzima veterinarska stanica da se uključi u rješavanje ovog velikog problema za sve građane općine Maglaj. Iako ulazite u domen koji nije vaša nadležnost želim da pohvalim sve ovo što radite

i što poduzimate da pomognete i samoj općini. Ukratko samo bih pohvalio dakle ovu ideju uopće razmišljanje da se napravi nekakvo malo sklonište za pse lutalice, dakle pa evo i da se krene nekim malim koracima. Obzirom da Općina Maglaj ne izdaje tako mala sredstva dakle zašto da ne pokušati sa takvim nekakvim pilot projektom. Za početkom tim malim skloništem, obzirom da i sami građani općine Maglaj izražavaju određenu sumnju prema udruženjima koji su plaćeni da obavljaju taj posao. Još jednom da pohvalim tu ideju, uopšte razmišljanje da općina Maglaj u nekoj doglednoj budućnosti izradi i sopsptveni centar za prihvatanje tih pasa. Hvala.

**Predsjedavajuća Svjetlana Zamboni:** Javljam se za riječ.

**Vijećnica Svjetlana Zamboni:** Svakako podrška svemu ovome o čemu je već ranije rečeno vezano za pse lutalice. Ja bih se samo vratila na ovaj Plan i program rada, sugerisala bih da za narednu godinu Plan i program bude rekla bih hajde suportiran sa finansijskim pokazateljima za plan razvoj svih aktivnosti koji predvidate u tekstu svog Plana i programa, jer znam da Izvještaj koji inače dolazi ima zaista detaljne preglede svega, pa da koristite dakle te informacije za pregled i planiranje aktivnosti u tekućoj godini.

**Dopredsjedavajuća Aida Bašić:** Hvala predsjedavajuća, gospodine Šehović izvolite.

**Amer Šehović:** Ja se nadam da ćemo u 2023. godini zaista ostvariti ovaj naš i plan Općine Maglaj da ćemo izgraditi kakvo takvo sklonište. Moramo svi djelovati i Općina i Veterinarska stanica ali i sami građani jer prikupljajući podatke na terenu, vidio sam da nije problem, nije samo problem u psima lutalicama već je problem i u ljudima.

**Predsjedavajuća Svjetlana Zamboni:** Hvala Vam gospodine Šehoviću. Čini se da smo ovime iscrpili diskusiju te Plan i program javnog preduzeća stavljam na glasanje, uvažavajući sve iznesene sugestije a Službu Općinskog načelnika i Općinskog vijeća predlažem da zadužimo da se sve sugestije taksativno ispišu koje su bile u ovoj diskusiju, kako bi Veterinarska stanica ih uzela u obzir za narednu, odnosno tekuću godinu. Ko je za ?

**Glasalo za:** Svjetlana Zamboni, Elvir Arnautović, Jasmin Duhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF), Elvir Vehabović (samostalni vijećnik).

**Glasalo protiv:** Edin Osmić, Maid Suljaković, Jasmin Begić, Eldin Pehrat, Maid Suljaković, Adis Abdurahmanović, Edin Salatović, Eldis Kusur, Safet Jašić, Mirsad Bejić (SDA),

**Uzdržanih:** Elvir Vehabović (samostalni vijećnik).

## ZAKLJUČAK

10.1. Usvaja se Plan i program rada i razvoja J.P. „Veterinarska stanica“ Maglaj d.o.o. za 2023. godinu uvažavajući sljedeće sugestije:

- da se iznađe modus za rješavanje pasa lutalica,
- da se u saradnji sa Općinom Maglaj i Općinskim načelnikom napravi sklonište manjeg kapaciteta za pse lutalice na području općine Maglaj,
- da za narednu godinu Plan i program rada i razvoja Veterinarske stanice Maglaj bude suportiran sa finansijskim pokazateljima za plan razvoja svih aktivnosti koje su predviđene u Planu i programu.

**AD – 11:Plan i program održavanja, sanacije, rekonstrukcije i uređenja lokalnih i nerazvrstanih cesta i gradskih ulica sa finansijskim pokazateljima na području općine Maglaj za 2023. godinu**

**Predsjedavajuća Svjetlana Zamboni:** Prelazimo na narednu tačku Dnevnog reda uz napomenu da u pola 11 trebamo biti na centralnom spomen obilježju radi polaganja cvijeća. Prelazimo na tačku Plan i program održavanja, sanacije, rekonstrukcije i uređenja lokalnih i nerazvrstanih cesta i gradskih ulica sa finansijskim pokazateljima na području općine Maglaj za 2023. godinu... pardon dok smo raspravljali i Planu i programu rada KJD zaboravila sam iznijeti prijedlog zaključka, onog redovnog zaključka a to je da se ovlašćuje predsjedavajuća Općinskog vijeća Maglaj da a



saglasnost opunomoćeniku ispred državnog kapitala da na Skupštini KJD d.o.o. glasa za Plan i program rada KJD za period 01.01.-31.12.20223. godine, ja sam napravila previd pa vas molim da se sada izjasnimo o prijedlogu ovog zaključka koji bi bio dakle pridružen, to nam je dakle zakonska obaveza. Uvijek se ovlasti predsjedavajuća da po zaključku Općinskog vijeća zaduži predstavnika u Skupštini KJD da mora glasati onako kako je glasila odluka Općinskog vijeća. Svaki put donesemo taj zaključak, ja sam napravila previd nisam odmah uz usvajanje dala taj zaključak na glasanje, ko je za ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić (DF), Elvir Vehabović (samostalni vijećnik).

**Glasalo protiv:** Maid Suljaković, Jasmin Begić, Eldin Pehrat, Maid Suljaković, Adis Abdurahmanović, Edin Salatović, Eldis Kusur, Safet Jašić, Mirsad Bejzić(SDA),

**Uzdržanih:** Edin Osmić (SDA), Elvir Vehabović (samostalni vijećnik).

Uglavnom zaključak je usvojen jer nam je to obaveza.

**Predsjedavajuća Svjetlana Zamboni:** Sada prelazimo na tačku 11, održavanje, sanacija i rekonstrukcija lokalnih i nerazvrstanih cesta i gradskih ulica sa finansijskim pokazateljima na području općine Maglaj za 2023. godinu. Otvaram raspravu. U materijalu su detaljni dati pregledi izvolite, gospodin Pehrat.

**Vijećnik Eldin Pehrat:** Selamim i pozdravljam sve prisutne, Plan i program održavanja lokalnih i nerazvrstanih cesta i gradskih ne sadrži nikakve bitne pokazatelje izuzev dužina putnih pravaca, te iznosa finansijskih sredstava planiranih za ljetno održavanje 205.000,00 KM, za zimsko održavanje 110.000,00 KM i za sanaciju i rekonstrukciju postojećih i izgrađnju novih puteva i asfaltnih površina 135.000,00 KM. Dakle u materijalu pod redovnim održavanjima cesta navodi se stavka košenje trave i održavanje zelenih površina u cestovnom pojasu i održavanje bankina, usjeka i zasjeka itd. Da li je ovo neka nova mjera koju uvodite ili ako je stara da nam se navede gdje je ista primjenjivana. Što se tiče pojedinačnih prijedloga vezano za mjesne zajednice, to će kolege iz Kluba vijećnika iznijeti.

**Predsjedavajuća Svjetlana Zamboni:** Hvala lijepo, izvolite gospodin Mamić pa onda Bejzić.

**Vijećnik Pero Mamić:** Prije svega sve vas pozdravljam i jutros sam dobio e-mail od predsjednika MZ Radojčići pa obzirom da ja živim na prostoru MZ Radojčići a i ima uvid dosta dobar vezano za situaciju u samoj toj mjesnoj zajednici kada je u pitanju održavanje puteva. Iz ovoga dopisa stoji da uvidom u plan iako je taj dopis dostavljen službi ne bih vas sada htio zamarati kompletnom problematikom, samo ću navesti bitne stvari. Uvidom u Plan i program održavanja, sanacija i rekonstrukcija lokalnih i nerazvrstanih cesta i gradskih ulica sa finansijskim pokazateljima na području općine Maglaj u 2023. godini utvrdili smo u tabelarnom prikazu da nedostaje više putnih pravaca na području mZ Radojčići itd. Ja bih molio da se to a nadam se da ćemo mi to u narednom periodu pokušati riješiti vezano za te nerazvrstane puteve. Ono što je po meni najbitnije, što je sada najpotrebnije u ovom momentu kad je u pitanju sam ovaj Plan rada i održavanja, zimsko održavanje lokalnih puteva nisu uvršena par pravaca koji stvarno po meni bi bilo potrebno uvrstiti kad je u pitanju zimsko održavanje bar to. To je u pitanju Novi Šeher, Galovac, Tujnica, Plane jezero ali to sve ima službi je dostavljeno decidno i sve tačne mjere i dužine i pravci i sve pa bih zamolio da se doneše ili nekakav zaključak ili nešto. Zamolio bih službu ukoliko postoji mogućnost da se uvrsti ovo, nema u Planu razumijem, potruditi ćemo se da to...volio bih da to bude u narednom periodu uvršteno u Plan rada ali sada bi to bilo nekako najalarmantnije da se uvrsti kad je u pitanju ovo održavanje, bar u ovom periodu zimskom periodu, hvala.

**Predsjedavajuća Svjetlana Zamboni:** Hvala, Bejzić.

**Vijećnik Mirsad Bejzić:** Pa evo i mi imamo sličan slučaj. Znači u postojećem Planu i programu održavanja ne postoji nekoliko putnih pravaca, što se tiče direktno Noovg Šehera, imaju dva putna pravca koji su jako bitni i predlažemo da se u Plan i program uvrste i ti putni pravci. Radi se o putnom pravcu Novi Šeher- Grabovica, od mosta na rijeci Liješnici kod pogona firme Budo export, na lijevoj obali rijeke Liješnice, pa uz rijeku Liješnicu pored Lipića i prema Grabovici.

Ukupna dužina oko 600 m makadamskog puta. Druga dionica i Novi Šeher-Adže, dionica koja se odvaja od puta Novi Šeher-Kopice prema objektu vodovoda Novi Šeher, do granice sa općinom Žepče, kod kuće Mujanović Jusufa starana, oni koji žive na tom pravcu znam o čemu govorim. Ukupna dužina je oko 400 m makadamskog puta.

**Predsjedavajuća Svjetlana Zamboni:** Hvala lijepo, gospodin Jašić.

**Vijećnik Safet Jašić:** U Budžetu Općine Maglaj za 2023. godinu na poziciji 613724-tekuće održavanje i rekonstrukcija lokalnih i nekategorisanih puteva i gradskih ulica zimsko i ljetno po osnovu javnih prihoda i namjenskih sredstava planirano je 425.000,00 KM sa PDV-om i to za radove održavanja i rekonstrukcije lokalnih cesta sa saobraćajnom signalizacijom u iznosu cirka od 205.000,00 KM sa PDV-om a za zimsko održavanje u iznosu od 110.000,00 KM sa PDV-om. Za sanaciju i rekonstrukciju postojećih i izgradnju novih cesta i asfaltnih površina u iznosu cirka 135.000,00 KM sa PDV-om na području općine Maglaj za 2023. godinu, smatramo da su ova sredstva nedostatna. S obzirom, sad ćete vidjeti koliko imamo puteva sa prioritetom, odnosno lokalnih i nekategorisanih puteva po km. Znamo da je na području općine Maglaj definisano 20 lokalnih putnih pravaca sa ukupnom dužinom od 81,65 km i to 62,88 km sa asfaltnim kolovozom i 18,72 km makadamskog kolovoza. Predviđena sredstva nisu dovoljna niti za jednu ¼ puteva. Navest ću nekoliko putnih pravaca gdje bi možda planirana sredstva nekako mogla zadovoljiti samo potrebe tih putnih pravaca, bez niza drugih koje su kolege iznosili. Put Gornja Liješnica- Tujnica-Strupina put je u izuzetno lošem stanju, Novi Šeher- Domislića u još u težem stanju i još jedan od najtežih puteva na općini Maglaj. Donji Ulišnjak- Starište također nije u dobrom stanju. Novi Šeher- Kopice, Hatkine njive-Kamenica. Novi Šeher-Kopice put je asfaltiran 2004. godine, što znači punih 20 godina, nije uložena niti jedna marka u ovaj put izuzev sanacije klizišta 2014. godine. Stalno upozoravam da je ovo jedan od najfrekventnijih lokalnih puteva jer znate da nas povezuje i sa Teslićem, Prnjavorom itd. zaista veliki broj vozila koja saobraćaju tim putem pored šticara koji svakodnevno i u svako vrijeme. Sad najviše voze noću itd. Ovaj put je izložen uništavanju, napominjem da nikada nisu očišćeni kanali i niti su ikada nasute bankine a svaki dan sve je više udarnih rupa, slijeganja puteva itd. Vjerujte mi da je put u veoma teškom stanju i da je potrebna hitna sanacija. Ove i ostale puteve a posebno put Novi Šeher- Kopice treba obratiti posebnu pažnju jer su od izuzetne važnosti, ne zanemarujući važnost drugih puteva. U 2023. godini za sanaciju ovog puta predviđeno 4.980,00 KM, šta se može uraditi za to ako je put u dužini 5+2,7 km za 4.980,00 KM. Neću reći da je to poteživanje, rekao sam da su sredstva nedostatna i sredstva treba iznalaziti jer put je dužine takve kakve jeste i smatram da zaslužuje detaljnu rekonstrukciju i sanaciju, hvala.

**Predsjedavajuća Svjetlana Zamboni:** Prije nego napravimo prekid rada sjednice dat ću još riječ gospodinu Mešiću a onda ćemo prestati sa radom, uputiti se na polaganje cvijeća, pozivam sve da se pridružite na polaganju cvijeća povodom Dana nezavisnosti i da prisustvujemo svečanoj akademiji a diskusiju ćemo i glasanje nastaviti nakon toga, izvolite.

**Vijećnik Mirza Mešić:** Prvo da pozdravim sve prisutne pošto sam prvi put za govornicom, ja ću se prvo vratiti na ovo izlaganje dvojica kolega mislim iz SDA su rekli 425.000,00 KM mislim i nabrojili su, sad da ja ponovo ne vraćam te cifre. Kad se ove cifre saberu razlika je u 25.000,00 KM pa bih volio prvo to objašnjenje vjerujem da je greška da znamo gdje je ta greška, gdje se nalazi kad se bude izlazilo za govornicu a drugo vezano za ove dionice koje nisu navedene kolega Abdurahmanović je i u predhodnim sjednicama a i ja sam isto tako kad je u pitanju samo Kosovo, jedan dio ima od stare džamije prema tzv Sejmenovića brdu predstavlja problem. Ja dok sam bio u mjesnoj zajednici, određenu funkciju obavljao sa službom sam pokušavao, rješavali smo na određeni način ili su sredstva prebacivana na mjesnu zajednicu u toj situaciji nije bilo, nego je služba slala naknadno mašinu da to odradi ali možda postoji opcija da mjesne zajednice za te dionice da se iznađe način da se određeni dio sredstava prebacuje na mjesne zajednice da one rješavaju lokalno sa određenim... Pošto ima u većini mjesnih zajednica šostoji taj problem, imamo dionica koje nisu evo ni asfaltirane, ima koje jesu itd. To je kratko samo.

**Predsjedavajuća Svjetlana Zamboni:** Hvala lijepo. Enisa, ja se nadam da ste uspjeli pribilježiti ove komentare vijećnika pa kad se vratimo, ne znam da li će biti još diskusija ali da ćete se moći

nakon toga osvrnuti na sve izneseno. Po okončanju svečane akademije vraćamo se u salu Općinskog vijeća i nastavljamo s radom. Ima agenda ali neko može govoriti minu-dva duže ili pet minuta duže. Ne vodim ja akademiju. Nastavljamo s radom evo bilo je nekoliko ovdje diskusija vezanih za pravce po mjesnim zajednicama. Zadnji je izlagao gospodin Mešić, da li ima još vijećnika koji se javljaju za diskusiju, izvolite Abdurahmanović.

**Vijećnik Adis Abdurahmanović:** Pošto su moje predhodne kolege već dosta toga naveli ja ću se nadovezati samo, pošto je kolega Mešić naveo jedan putni pravac u Kosovi koji je zaista veoma bitan a to je nadovezuje se već pravac koji je uvršten Topola- Gornja džamija Husići, imamo prema Sejmenovića brdu jedan pravac koji je pod asfaltnom podlogom i gdje evo ja već godinama tražim to i napominjem da s tog područja imamo jednog dijaližnog bolesnika, to bi zaista bio prioritet da se uvrsti taj pravac a evo kako je kazao kolega dok je bio povjerenik u našoj mjesnoj zajednici da je radio ako ne može ući u Plan i program da se neka sredstva evo recimo da predložim da se prebace, iznađu te neke prioritete putne pravce koji nisu a da se dole na nivou mjesne zajednice znači nađe čovjek koji će tih par pravaca održavati, govorim konkretno o zimskom održavanju.

**Predsjedavajuća Svjetlana Zamboni:** Hvala, gospodin Bešić.

**Vijećnik Mustafa Bešić:** Evo zažalit ću vam ponovo sretan rad, što se tiče Plana i programa održavanja i sanacije i rekonstrukcije i održavanja lokalnih i nekategorisanih cesta, gradskih ulica, ja ovako ispred svoje mjesne zajednice želim za 2022. godinu da pohvalim Izvještaj i abđ da ovaj realizujemo za 2023. godinu. Što se tiče moje mjesne zajednice govorim kao predsjednik mjesne zajednice u velikom smo dijelu zadovoljni ulaganjem, imamo samo problem kroz pošto je naša mjesna zajednica od Novog Šehera do Domisllice, do ulaza u Domisllicu, to je znači održavanje a imamo problem kroz naseljeno mjesto, gdje mi svake godine ako bude normalno snijega zadužimo mašinu, traktor ili ralicu pošto su nam uski sokaci, da nam to očiste. Evo i sad ove godine smo na nekim dijelovima radili to pa evo sugerisem službama način da nam se pomogne finansijski kako bi mogli gore ljudima dati za gorivo. Eto u tom smislu a ovo u svakom slučaju ćemo podržati i zaželiti sretno. Hvala.

**Predsjedavajuća Svjetlana Zamboni:** Hvala lijepo. Vijećnici, evo na svu sreću zimska sezona je već na kraju pa zimsko održavanje pretpostavljam da neće biti aktuelno. Nadam se da neće biti aktuelno u narednim mjesecima. Zamolila bih gospodu Hatičić da izade i da ponudi odgovore na sve ove dileme koje vijećnici imaju odnosno pitanja i prijedloge.

**Enisa Hatičić:** Prije svega da vas sve pozdravim jer sam prvi put izašla. Prvo moram Mirzi Mešiću, ako nešto sam zaboravila slobodno me podsjetite jer bila je i velika pauza pa sam možda pitanja zaboravila. Vijećnik Mirza Mešić, skrenuo je pažnju na cifru od 425.000,00 KM koja je opredijeljena Budžetom za redovno održavanje, to je moja greška, dešava se u daljem tekstu dole stoji 450.000,00 KM i kada se ono sve sabere to je taj iznos. Vjerovatno ovi računari, copy paste i to tako ostane a ne stigne se sve pročitati, znači 450.000,00 KM je opredijeljeno za redovno održavanje. Druge sugestije i primjedbe gospodina Jašića stoje sve na mjestu i zaista imamo mi loše lokalne puteve ali sve će to detaljnije biti obrađeno i može se realizovati iz Programa i plana kapitalnih ulaganja, gdje ste i vi kao mjesne zajednice dostavljali svoje nekakve inicijative da se to uvrsti i to će biti uvršteno. Mislim da sam ostala dužna još ne znam kako se gospodin zove za krčenje šiblja i granja na lokalnim putevima i odrona, to je rađeno, to je bilo i prošle godine u Planu i programu i u ugovorima koji se sklapaju sa izvođačima nakon javne nabavke i evo rađeno je na putu Liješnica- Fojnica. Rađeno je na lokalnom putu Jablanica- Donji Rakovac. Rađeno je što se odrona tiče na lokalnom putu Bistrica- Ravna, eto to mi je sada palo napamet da vam odgovorim. Jel možda još nekih pitanja bilo?

**Predsjedavajuća Svjetlana Zamboni:** Imali smo MZ Radojčići od gospodina Mamića vezano za kategorije itd.

**Enisa Hatičić:** Ja se slažem, svake godine dolazi do povećanja asfaltnog kolovoza a smanjenja makadamskog, čak dolazi i do povećanja odnosno kategorizacije, trebalo bi na tome raditi određenih putnih pravaca. To je jedan velik posao, ja sama to ne mogu stići odraditi ali evo već par godina ja od kako sam tamo u Općini zagovaram da bi trebalo izaći i detaljno snimiti putne pravce

jer je došlo do promjena, ja svake godine korigujem ono što asfaltiramo povećavam asfaltni put, smanjujem makadamski ali slažem se i sa gospodinom da treba neke puteve koji su godinama od poslije rata doživjeli neke rekonstrukcije detaljnije i koji sada izgledaju i možda se mogu svrstati u lokalne puteve ali za to sve treba vremena i mislim da može to ići kao nekakav zaključak, neki prijedlog da se to u tekućoj godini pokuša nekako naći način i da se uvrsti u lokalne ili nekategorisane zavisi gdje spadaju. Što se tiče zimskog održavanja, svi mi to znamo da je to problem nisu svi putni pravci obuhvaćeni. Postoje mjesne zajednice i sve mjesne zajednice barem koliko je meni poznato dolaze i traže i posipnog materijala za te nekakve kritične dane u zimskom periodu. Mislim da se svima izašlo u susret i dalo se to. Slažem se da bi trebalo uvrstiti neke putne pravce evo kao što je gospodin rekao u Kosovi da jer je to i asfaltni put i nema prepreke da se on ne održava mehanizacijom ali eto ja ne znam da je to baš do mene greška, jer ja stvarno sama ne mogu sve to stići i uzeti detaljno posnimati jer je općina Maglaj poprilično velika. Je li ima još neko pitanje?

**Predsjedavajuća Svjetlana Zamboni:** Što se tiče vijećnika to su bile te dileme, sad je u okviru ove diskusije i odgovoreno.

**Enisa Hatičić:** Sad sam to i odgovorila da ćemo gledati da to sve detaljno snimimo na svim mjesnim zajednicama i da pokušamo da uvrstimo. Sve to traži naravno povećana sredstva u Budžetu ali Bože moj.

**Predsjedavajuća Svjetlana Zamboni:** Ukoliko gospođa Enisa ako bi zaključak išao u smjeru da se u toku ove tekuće godine napravi neka revizija putnih pravaca, odnosno puteva ako se ne izražavam kako treba ispravite me, pa da možda za naredni Program koji se bude predstavljao ovom vijeću ipak se uvažavaju sugestije iznesene i putni pravci izneseni od strane vijećnika, pa čak i ovaj obiman prijedlog koji je došao putem e-maila iz MZ Radojčići da se ipak uzmu u obzir i ovi pravci pa da vidimo u sklopu te revizije šta bi ona pokazala i po finansijskim nekim pitanjima. Vjerujem da bi iziskivalo više sredstava. Gospodin Jašić se javlja za riječ.

**Vijećnik Safet Jašić:** Ja sam kroz svoju diskusiju rekao da su sredstva mala i nije niko za to kriv što je to tako. Iz tog razloga ću predložiti nešto ali ovo je ranije već jednom bilo i prošlo je bilo. Lokalni putevi na općini Maglaj, dobar dio njih ispunjava sve kriterije da pređe u regionalni put, dosta njih. Između ostalih govorim i o putu Novi Šeher- Kopicice- Kamenica u dužini od 7 km. Naravno mi znamo da Općina održava sve puteve do nivoa lokalnog, sve ostale regionalne i ostale znači kanton, federacija itd. Ja sam jednom uputio inicijativu i to je bilo jednom, ja imam čak i službene novine da je onaj naš put gore bio proglašen regionalnim i odjednom se nešto iskomplikovalo, poništeno je. Prema tome mislim da na ovome treba dobro raditi i pored ovog puta imamo još puteva na općini, olakšat ćemo jer će ići manje iz Budžeta Općine, nećemo mi to razvlačiti, ovi manji putevi taman bi poklopilo ono sredstava koje Općina može. Pređe u regionalne i kao put Perkovići-Novi Šeher, nemamo ništa firma konkuriše na višim nivoima i održavaju se putevi bezbolno i daleko bolje nego ovo sada.

**Predsjedavajuća Svjetlana Zamboni:** Pa to je ovo sad da se revizija ta napravi kategorije i pravaca i svega.

**Enisa Hatičić:** Sa prijedlogom ka višim nivoima da se uvrsti u regionalne puteve.

**Predsjedavajuća Svjetlana Zamboni:** Gospodin Mešić se javio. Sjedite Enisa, tu kod Adija dok završe vijećnici pa...

**Vijećnik Mirza Mešić:** Kada je u pitanju ovaj prijedlog dok sam radio kao predsjednik Savjeta za bezbjednost saobraćaja, našao sam u materijalima otprilike prije 20 godina da je vršena kategorizacija na području općine gdje tamo stoji otprilike ne znam napamet nisam sa sobom donio taj materijal, koliko kilometara je tada bilo. Mislim da ne postoji sada ni velika razlika, čak mislim da se od tada trenutno vodi i ovo stanje kako jeste a došlo je do velike promjene, svi smo svjedoci na području cijele općine da je dosta putnih pravaca asfaltirano i usklađeno, prošireno itd. samim tim što je gospodin Jašić rekao za određene kategorije dio što je naveo tamo možda postoje uslovi da bude regionalna cesta. To opet je propisano Zakonom o cestama FBiH, širina, dužina, putni pojas itd. Znači, sve se mora vidjeti da li ispunjava sve navedene. Predsjedavajuća čini mi se dva puta napomenu da postoji inicijativa i da se ta dionica uvede kao regionalni. Ono što želim da

napomenem tada je tu kategorizaciju, odnosno dio je radila Komisija za bezbjednost saobraćaja. Mislim da bi možda bilo dobro da se uputi, da se uradi jedan elaborat zajedno sa službom taj isti tzv. Savjet koji se zove Savjet za bezbjednost saobraćaja, da uradi isto tu kategorizaciju, da nama donese ovdje šta imamo od puteva makadamskog, kolovoznog, širina itd.

**Predsjedavajuća Svjetlana Zamboni:** Gospodin Fetić.

**Vijećnik Samir Fetić:** Mislio sam ne izlaziti evo da vas pozdravim prvi put izlazim. Malo slušam, pa ljudi moji jesmo prije čistili? Zna li kolika je MZ Misurići, pa to je 5 sela od Oruča i sad kad bih ja stalno... ja bih se zahvalio gospođi Enisi na dosadašnjem našem odnosu i to prema MZ Misurići ali gledajte ovo vi morate koliko smo mi sada asfaltirali sad da vam pričam mi bismo bili crni vilajet. Mi nismo imali ništa, nismo imali ni vode, mi smo prije... nas od Maglaja samo dijeli pruga, pa nismo imali ni vode, ni kanalizacije, ni puteva i sad koliko smo mi toga asfaltirali za ovo vremena. Ja slušam vas da se sve treba čistiti, pa prije se izlazilo i čistilo, jeste i vi išli u školu prije? Prođu prije radnici, pa mi idemo tim putevm, a sada mi hoćemo sve da se čisti to. Evo fino organizujete se. Mi smo do Oruča, šta mislite Hajdići jedna firma bi trebala samo MZ Misuriće, pošti su tu Ošve sve do Oruča, Misurići I, Misurići II, Poljice i Jelovac. Nama bi samo trebala firma da čisti ali organizujemo se. Vi se morate organizovati u mjesnoj zajednici ako ste predsjednik budite to, izadite. Nema veze izadete i gledate na telefon, pratite prognozu i sada na ote tačke neke koje imate gdje su asfaltirali zaduži se ko će sol baciti na taj put. Ne može se sve stići očistiti, tako se malo ne slažem s vama. Mjesna zajednica mora se nešto organizovati i očistiti.

**Predsjedavajuća Svjetlana Zamboni:** Sugestije koje su iznesene upravo su išle ka tome, da se uključe mjesne zajednice ili da se putem mjesnih zajednica reaguje. Ja ne mogu stvarno, molim vas gospodin Jašić replika.

**Vijećnik Safet Jašić (ispravka krivog navoda):** Sve vrijeme gospodin se obraća meni i moram replicirati. Ja nisam uopće govorio o zimskom održavanju puta. Mi smo zadovoljni sa zimskim održavanjem puteva, govorim o rekonstrukciji i izgradnji puteva, govorim o kategorizaciji puteva. Nisi slušao šta ja govorio.

**Predsjedavajuća Svjetlana Zamboni:** Ispravka krivog navoda je bila onda. Jel to replika.

**Vijećnik Samir Fetić:** Ja se izvinjavam ali mi imamo Put spasa, tim putem je išlo sve u ratu jel tako? Kad je bila poplava išlo se tim putem i to je najznačajniji jedan put u općini Maglaj koji treba uraditi, da se poveže Tešanj i ovaj dio sa Maglajem. Jel se slažete vi s tim ako se ne slažete.

**Predsjedavajuća Svjetlana Zamboni:** Maide, izvolite.

**Vijećnik Maid Suljaković:** Selamim i pozdravljam sve prisutne, ja neću nastaviti da pravimo šou. Ono što mi je zaparalo uši par puta je gospođa Hatičić spomenula da ona ne može da stiže da radi poslove koji su u domenu vaše službe. Možete li nama ovdje kao vijeću iznijeti koji je razlog toga jer generalno ja kao vijećnik i kao građanin ove općine nisam zadovoljan sa održavanjem generalno održavanjem puteva bilo koje kategorizacije. Da kažem konkretno na sanaciji bankina itd. znam da postoje ugovori sa firmama, ovo što kolega Fetić spominje to bi bilo lijepo možda tamo 1998 godine da se svi anagžujemo međutim sada postoje firme koje anagažuju i naplaćuju za svoj rad i trebaju da obave posao za koji su plaćene. Znam konkretno za moje naseljeno mjesto da je plaćeno ne znam tačno kojoj firmi, volio bih to od vas da saznam i na koji način vi vršite analizu izvršenih poslova. Bankine u mom naseljenom mjestu su već 5 godina rupe su, pa sigurno 50 cm pogotovo na kritičnim dionicama. Ja sam Vas par puta i kontaktirao telefonski da se saniraju ti problemi. Vidim da se ništa ne rješava, eto hvala Bogu došla je prilika ovdje da porazgovaramo na tu temu. Ukoliko Vam je potrebna pomoć nekih drugih osoba vijeće također je nadležno da angažuje te osobe da Vam pomogne. Uopšte ne sporim i vjerujem da imate dosta posla u ovoj branši, možda i najviše od svih uposlenika ali tražite pomoć da Vam se pomogne, da se uradi.

**Predsjedavajuća Svjetlana Zamboni:** Hvala, vijećnik Begić.

**Vijećnik Jasmin Begić:** Ja neću da dužim puno samo bih htio odgovor na vijećničko pitanje koje sam već postavio a nisam dobio odgovor zadnjih 4-5 sjednica a to se odnosi na uređenje bankina na ovom loklanom putu. On je u katastrofalnom stanju i stvarno to nisam odgovor dobio a kamoli da se šta uradi po tom pitanju. Želio bih da mi sada odgovorite.

**Predsjedavajuća Svjetlana Zamboni:** Hvala, izvolite gospođu Hatičić.

**Enisa Hatičić:** Evo odmah ću ja na lokalni put Bijela Ploča-Jablanica, mislim da je prošle godine u dva navrata dopunjavane su bankine, ja se slažem da je taj put katastrofalan, da on zahtjeva jednu veliku rekonstrukciju, ozbiljnu rekonstrukciju a ne samo ono krpljenje udarnih rupa što i to radimo najčešće a opet sve iz nedostatka sredstava. Čim jedna kiša bude bankine se isperu i to je tako. Znači, puno bi nam više sredstava trebalo a mjesnih zajednica ima dosta, tako da pomalo to sve rasporedimo. Ja kad stignem obidem sve, tamo gdje je stvarno urgentno pošaljem čak evo gospodin Maid koji je bio tu, znam da sam jednom slala oni su se angažovali, a su dopunjavali bankine, jel to bilo prošle godine. Uglavnom znam da na svakakav način se snalazimo, ono što možemo uraditi. Ne mogu reći da je do mene greška, a možda i jeste. Ono što imam sredstava gledam da to rasporedim. Sad je li to uvijek adekvatno raspoređeno, to od situacije do situacije zavisi. Uvijek ima nezadovoljnih i ja bih voljela da ja živim negdje u nekoj mjesnoj zajednici, da je u mojoj mjesnoj zajednici sve idealno ali nažalost nije. Gospodin Fetić, nije daleko od istine što je rekao malo smo se i mi svi ko građani umazili i u gradu i svuda. Svi očekuju da se svakom dođe pred ulazna vrata i očisti taj snijeg ili počupa trava ili šiblje neko pokosi ali ne može to. Nije to ni uobzirano ugovorima tim, svi ti razlozi. Moramo i mi svoje lične odgovornosti za sve to. Ja ću se potruditi da napišem odgovor na to.

**Predsjedavajuća Svjetlana Zamboni:** Nije bilo pitanja.

**Enisa Hatičić:** Pa ne znam baš da se ne radi 5 godina, bankine su rađene čak i dio odvodnih kanala je malo čišćen, dokopavan, pogotovo na onom dijelu gdje se od tujničke škole ide brdo ono gdje ima, o tom dijelu ne kažem da je rađeno svaka tri mjeseca nije ali bar jedno godišnje taj dio se odradi. Firma trenutno koja ima ugovor o redovnom održavanju je firma Hajdić, taj ugovor vrijedi do slagat ću vam sada, 6-ti mjesec, da li je 17.06. ili 29.06. ne znam tačno. To više nije s krajem godine, jer znamo svi da u proljeće uvijek dolazi do kojekavih kiša, snjegova, otapanja i da nam traže se određena sredstva da malo saniramo te puteve. Ove godine smo to napravili, da ti ugovori vrijede 12 mjeseci a ne sa 31.12. ostavili smo određena sredstva evo malo nas je ponovo snijeg iznenadio u februaru ali eto. Čim se malo ovo stabilizuje, krenut ćemo ponovo po svim mjesnim zajednicama da malo dopunimo bankine, ono što je urgentno. Gdje treba kanal izvaditi.

**Predsjedavajuća Svjetlana Zamboni:** Vijećnik Mamić, izvolite. Ostanite Vi Enisa još tu za svaki slučaj. Ja vas molim malo samo strpljenja, pažnje.

**Vijećnik Pero Mamić:** Ja ne izlazim 5-10 sjednica onda izađem jednu i budem dosadan, ali hito sam uistinu imam namjeru samo pomoći. Neću nikom ni replicirati, nikom ništa, jedan od boljih prijedloga je dao gospodin Jašić definitivno kada je u pitanju kategorizacija, pazite Općina nema sredstava, to ni jedna Općina nema za održavanje svojih puteva, da bi ih kvalitetno održavali. To mi svi znamo, ja ću vam reći, moja MZ Radojčići, mi smo čak radili puteve preko raznoraznih donacija od vlade Republike Hrvatske, od ministarstava. Ovo što je gospodin govorio za, sama inicijativa tih mjesnih zajednica, ne može to samo mjesna zajednica, nemaju ni one sredstava. Ovo je odličan prijedlog, napravi se tijekom ove godine ili šta ja znam...napravi se nekakva revizija stanja, vidi se šta se može kategorizirati, da ide prema federalnom ministarstvu. Gdje se mogu napraviti kojekakvi projekti da se apliciralo prema međunarodnim organizacijama, da se rastereti ovaj dio. Šta se može napraviti, šta Općina može napraviti, šta ne može. Ovak o mi napadnemo svi u jednom pravcu da nam Općina, ne može to je nemoguće mi to svi dobro znamo, uporno se držimo jednog pravca treba napraviti ovo, treba ono. Uistinu treba pristupiti ozbiljno i sve mjesne zajednice trebaju dati svoj doprinos da se napravi kvalitetan presjek, šta se može, šta ima, gdje je loše, gdje nije loše i tek onda pristupiti ovoj analizi i dalje. Prijedlog je da se znači, ja predlažem sad ne mora biti, predlažem da se napravi u toku ove godine stvarno stanje uz pomoć mjesnih zajednica i da se napravi nekakvi prijedlozi kategorizacije gdje će pomoći i mjesne zajednice i kantonalni dio i federalni dio i općinski na nekakav realan i korektan način pristupiti nekakvim zahtjevima šta napraviti. Hvala lijepo.

**Predsjedavajuća Svjetlana Zamboni:** Hvala, zastupnik u Skupštini ZDK gospodin Ferić izvolite.

**Hajrudin Ferić:** Ja sam se javio za riječ u funkciji predsjednika političke partije OO DF-a. Ovdje sam ja 4 u 1. Naime, ponukala me ova jako kvalitetna i ozbiljna rasprava, evo naizgled o

formalnoj tački Dnevnog reda koja se iz godine u godinu vuče periodično i manje-više budu sve diskusije i rasprave u 5 deka. Ja bih samo vam pomenuo nešto što mi iz DF-a evo kao vijećnici zagovaramo punih 6 godina a to je potreba poštovanja najprije životnih ovih potreba i uslova koji su dosadašnji vijećnici, koji su ovdje izlagali i pomenuli a i obaveza provođenja zakona. Toliko puno problema imamo kad su u pitanju ceste a zakon je jasno lijepo rekao da mi moramo ovdje na općini Maglaj imati Strategiju razvoja cesta. Moramo imati, dakle, nije to hoćemo li-nećemo jel nam prioritet ili nije. Iz te strategije između ostalih Odluka i akata treba da dođe i ta Odluka o kategorizaciji cesta koju mi nemamo. Ona je bila nekad u početnim periodima u našim operativnim i godišnjim planovima rada Općinskog vijeća, naravno nikad nije donesena pretpostavljam koliko je to ozbiljan i posao i sve ostalo ali je to jedna od tih obaveza, nedostatak te Odluke i tih Odluka zaista u praksi na terenu, u životu u svakom dijelu naše mjesne zajednice predstavlja ozbiljne probleme pa između ostalog evo ono često što se spominje i na koji način održavati i horizontalnu i vertikalnu signalizaciju. Na koji način održavati redovnu, vandrednu, zimsku itd rekonstrukciju, sve to ustvari palo na službe koje ad hoc rješavaju na osnovu ovih ovako godišnjih planova koji su okvirni, gdje se u 90 % praktično realizuju ili ne realizuju. Ja mislim da je krajnje vrijeme zaista o tome se moglo dosta toga govoriti ali nemamo vremena kao gost ovdje ali mislim da je krajnje vrijeme da se iz službi pripremi jedan hodogram donošenja i rješavanja ovih sistemskih akata, kada su u pitanju putevi i ta Strategija razvoja cesta na području općine Maglaj. Iz te strategije i tih odluka puno odgovora na pitanja između kojih je i gospodin Jašić postavio o ovoj regionalizaciji, o kategorizaciji ovog puta Šeher-Kopice, odnosno da li ona može, ne može na koji način itd. itd. To nije posao, to zna gospođa Hatičić dobro, nije to posao da se uradi sva ova pod navodnicima neophodna zakonska papirologija od mjesec, dva ili tri ali ako krenemo danas onda imamo šansi da završimo i za godinu, pa neka i za dvije ali da imamo nešto. Ovako će biti vjerujete sve teže i teže stanje na svakom pedlju naše općine Maglaj.

**Predsjedavajuća Svjetlana Zamboni:** Evo ja se moram javiti za riječ.

**Vijećnica Svjetlana Zamboni:** Bojim se da sad predlažemo da donesemo Strategiju o razvoju cesta da nismo predvidjeli ni sredstva za izradu takve strategije a sigurna sam da zahtjeva značajna novčana sredstva. Tu stavku nemamo u Budžetu, prema tome mislim da i ne bismo mogli donositi takvu odluku da bi bilo preuranjeno ali lično smatram da ova revizija o kojoj smo govorili kada govorimo o putnim pravcima da ona može utvrditi upravo onako kako je neko od mojih predhodnika i kazao utvrditi stvarno stanje na terenu po svim mjesnim zajednicama i da potencijalno će takva revizija nama ukazati koje putne pravce možemo kandidirati na više nivoa u smislu regionalnih ili cesta neke druge kategorije. Mislim ako se krene od revizije možemo završiti sa strategijom a ići odmah na strategiju, trebali bi ipak planirati sredstva za tako ozbiljan dokument kao što je Strategija razvoja cesta.

**Dopredsjedavajuća Aida Bašić:** Hvala predsjedavajuća.

**Predsjedavajuća Svjetlana Zamboni:** Dobro ne bolujemo od terminologije, znamo šta nam je učiniti u smislu posla svakako, tako da se opet svede na isto. Ima li još diskutanata? Nema, da li obzirom da, evo pošto je bilo različitih prijedloga, različiti putni pravci, različite vrste održavanja što zimskog, što ljetnog, što bankine, što ne znam ovaj sami putevi da li se slažete da a vi ste rekli prije glasanja da ćete uzeti pauzu da ovo bude prijedlog zaključka vezan za donošenje ovog programa, ovo što sam sada i kazala vezano za utvrđivanje stvarnih stanja po mjesnim zajednicama i potencijalnih puteva koji bi mogli postati putevi viših kategorija pa bi samim tim kako je neko od diskutanata iznio, nadležnost prešla na neki drugi nivo a mi proširili mogućnost šireg održavanja na loklanom nivou. Nešto u tom smislu ali samo da se razumijemo dakle. To upravo govorim, jer je bilo puno konkretnih prijedloga, gospođa Enisa je rekla u svojoj diskusiji da je uvažila te sugestije i da će putem mjesnih zajednica i to je neko od vijećnika također predlagao, putem mjesnih zajednica da će ići i kroz kapitalne investicije ako se dobro sjećam da će se pokušati uvažiti sve te iznesene sugestije. Hajde izvolite. Ja samo pokušavam stvarno naći neki zajednički zaključak da se uvažavaju svi izneseni stavovi. Izvolite.

**Vijećnik Mirza Mešić:** Ja sam malo prije izlaganja ovdje iznio stav, nije stav nego činjenicu kako mi se čini da prije 20 godina je to urađeno. Sada kada sam pogledala koliko imam u glavi, koliko

mogu da se sjetim a mogu to dostaviti naknadano. Ja sam dao prijedlog konkretan, znači ne može neko ko nije stručan da radi to, ne može mjesna zajednica to da radi, to radi služba sa stručnim ljudima te stvari. Na osnovu zakona koji radi razvrstavanje cesta, na osnovu propisanosti, udaljenosti putnog pojasa itd. Zato sam napomenuo i putni pravac prema Kopicama da li će ili neće imati, ja koliko poznajem jedna je dionica trenutna, ne može ispunjavati za regionalne puteve. Hoće li se nešto promijeniti u međuvremenu, prijedlog može biti samo dobar ako bud neko stručan radio zajedno naravno sa službom i to u skorijem periodu da se oformi grupa, tim ispred Općine koja će to uraditi, da mi već sljedeće godine u idućih mjesec, dva, tri ili šest imamo to ovdje i da kažemo evo to je to. Sad ima toliko puta lokalnog sa kolovoznim, sa asfaltnim zastorom, koliko kolovoza ima koji makadamski itd. Toliko imamo lokalnih cesta, na osnovu toga imamo toliko nekategorisanih, toliko imamo makadama.

**Predsjedavajuća Svjetlana Zamboni:** Naravno da struka to mora uraditi.

**Vijećnik Mirza Mešić:** Iz tog razloga govorim, bilo je dosta prijedloga sličnim ovome. Tražite pauzu, mi ćemo se vjerovatno na pauzi. Bilo bi dobro da jedan zaključak ide, da to bude do sljedeće godine kad budemo imali ovaj prijedlog ponovo tu, da bude sve fino definisano, da nemamo problema.

**Predsjedavajuća Svjetlana Zamboni:** Na zahtjev predsjednika Kluba SDA pauza. Nastavljamo s radom, nakon pauze predsjednik Kluba SDA će se obratiti.

**Vijećnik Maid Suljaković:** Nakon održanih konsultacija Klub vijećnika SDA neće podržati Plan i program za narednu godinu a sve iz razloga što nismo zadovoljni sa realizacijom Plana i programa u predhodnim godinama, što govori u prilog činjenici da je većina vijećnika ovdje iznijela nezadovoljstvo sa radom i zbog toga ne smatramo i iskreno ne vjerujemo da će i ovaj Program biti realizovan. Hvala.

**Predsjedavajuća Svjetlana Zamboni:** Izvolite Mešić.

**Vijećnik Mirza Mešić:** Evo ja ću samo dati prijedlog zaključka jednog, evo došao sam do ove Odluke iz 2003. godine a koja se odnosi samo na lokalne ceste gdje i sada stoji ista dužina a svi smo svjedoci da to nije. Predlažem sljedeći zaključak u ime Kluba SDP-a da nadležna služba zajedno sa Savjetom za bezbjednost Općine Maglaj, oformi tim, komisiju koja će ponovo izvršiti analizu stanja na području općine, odnosno lokalnih mjesnih zajednica, lokalnih i nekategorisanih mjesta. Na osnovu toga donesemo jednu Odluku koja će biti Odluka o lokalnim putevima i nerazvrstanim na području općine Maglaj.

**Predsjedavajuća Svjetlana Zamboni:** Potencijalno možda da uputimo zahtjeve za kategorizaciju višim nivoima.

**Vijećnik Mirza Mešić:** Da, da, samim time kada se izvrše analize tog stanja mi ćemo imati i ove dosadašnje prijedloge koje ćemo moći uputiti na veće nivoe kao što je govorio gospodin Mamić, Jašić i ne znam više ko je sve izlazio za govornicu prema kantonu, prema federaciji pa i državi ako bude uslova, to je to uglavnom.

**Predsjedavajuća Svjetlana Zamboni:** Hvala lijepo. Klub SDA je iznio svoj stav, imamo ovaj prijedlog zaključka koji je iznio predsjednik Kluba SDP-a te prije svega ovaj prijedlog zaključka stavljam na glasanje, ko je za usvajanje ovakvog prijedloga?

**Glasalo za:** Svjetlana Zamboni, Elvir Arnautović, Jasmin Duhera, Mirza Mešić, Arif Mujkanović, Almin Smajlović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (NES), Aida Hadžić (DF), Elvir Vehabović (samostalni vijećnik).

**Glasalo protiv:** Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bejić (SDA).

**Uzdržanih:** Elvir Vehabović (samostalni vijećnik), Eldis Kusur, Jasmin Begić (SDA).

Idemo na usvajanje Plana i programa održavanja, sanacije, rekonstrukcije i uređenja lokalnih i nerazvrstanih cesta i gradskih ulica sa finansijskim pokazateljima na području općine Maglaj za 2023. godinu, ko je za ?



**Glasalo za:** Svjetlana Zamboni, Elvir Arnautović, Jasmin Đuhara, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF), Elvir Vehabović (samostalni vijećnik).

**Glasalo protiv:** Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bežić, Eldis Kusur, Jasmin Begić (SDA),

**Uzdržanih:** Elvir Vehabović (samostalni vijećnik).

## ZAKLJUČAK

11.1. Da nadležna služba zajedno sa Savjetom za bezbjednost saobraćaja Općine Maglaj oformi komisiju koja će izvršiti analizu stanja lokalnih i nekategorisanih puteva na području općine Maglaj i da na osnovu toga Općinsko vijeće Maglaj donese odluku o lokalnim i nerazvrstanim (nekategorisanim) putevima na području općine Maglaj;

11.1. Donosi se Plan i program održavanja, sanacije, rekonstrukcije i uređenja lokalnih i nerazvrstanih cesta i gradskih ulica sa finansijskim pokazateljima na području općine Maglaj za 2023. godinu.

**AD – 12:Plan i program održavanja javne higijene i zimskog održavanja gradskih javnih površina sa finansijskim pokazateljima za 2023. godinu**

**Predsjedavajuća Svjetlana Zamboni:** Prelazimo na narednu tačku Dnevnog reda a to je Plan i program održavanja javne higijene i zimskog održavanja gradskih javnih površina sa finansijskim pokazateljima za 2023. godinu. Otvaram raspravu, gospodin Osmić.

**Vijećnik Edin Osmić:** Planirano za održavanje javne higijene 115.000,00 KM za zimsko održavanje ulica u Maglaju 40.000,00 KM što je ukupno 155.000,00 KM. Po ko zna koji put predlažem da se planira za održavanje javne higijene u svim mjesnim zajednicama kao oko spomen obilježja, autobuskih stajališta i sličnih površina ako može da se i to odradi. Ako bude ovo uvrštano, mi ćemo se onda odrediti kako ćemo glasati.

**Predsjedavajuća Svjetlana Zamboni:** Hvala lijepo. Ima li diskutacija? Nema. Hvala lijepo, uzimajući u obzir ovu sugestiju, znam da je i predhodnih godina nekada je bio i direktor KJD prisutan u dijelu ove rasprave i uvijek je tvrdio da se i čisti i održava i po mjesnim zajednicama, tako da uvažavajući Vašu sugestiju Plan i program stavljam na glasanje, ko je za ?

**Glasalo za:** Svjetlana Zamboni, Elvir Arnautović, Jasmin Đuhara, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF), Elvir Vehabović (samostalni vijećnik),Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bežić, Eldis Kusur, Jasmin Begić (SDA), Elvir Vehabović (samostalni vijećnik).

**Glasalo protiv:** Nema.

**Uzdržanih:** Nema.

## ZAKLJUČAK

12.1. Donosi se Plan i program održavanja javne higijene i zimskog održavanja gradskih javnih površina sa finansijskim pokazateljima za 2023. godinu.

**AD – 13:Plan i program održavanja javnog zelenila na gradskom području sa finansijskim pokazateljima za 2023. godinu**

**Predsjedavajuća Svjetlana Zamboni:** Prelazimo na narednu tačku a to je Plan i program održavanja javnog zelenila na gradskom području sa finansijskim pokazateljima za 2023. godinu, otvaram raspravu, izvolite Maide.

**Vijećnik Maid Suljaković:** Kada je u pitanju ova točka Dnevnog red, ne bih se ponavljao sve ono što je rekao kolega Edin Osmić za predhodnu tačku smatram da bi trebalo uvrstiti i u ovoj a to je da bi se sredstva trebala opredjeliti i za druge mjesne zajednice i da se i zelenila i u tim navedenim destinacijama provode.

**Predsjedavajuća Svjetlana Zamboni:** Ja mislim da je Jasmina obrađivač, Jamsina Vi ste obrađivač ovog materijala, čuli ste, ovo su gradske je li?

**Jasmina Alić:** Prije svega da vas sve srdačno pozdravim i poselamim, ja ću samo jedno kratko pojašnjenje, ovo se odnosi samo na gradsko pojašnjenje iz jednog razloga, zato što su za zelenilo opredjeljna namjenska sredstva koja mi dobijamo od Ministarstva za prostorno uređenje ZDK, i na sve ovdje napisano to Ministarstvo daje saglasnost isto tako na kraju svake godine mi njima podnosimo Izvještaj za sve aktivnosti po ovom programu, tako da mi ne možemo uvrštavati ništa mimo onog što nama ministarstvo da saglasnost. Hvala.

**Predsjedavajuća Svjetlana Zamboni:** Hvala, sjedite Jasmina tu blizu, izvolite Maid.

**Vijećnik Maid Suljaković:** Shvatio sam ovaj dio vezano za namjenska sredstva, da je od strane kantona prema Općini prijedlog projekta u zelenilo dostavlja Općina je li tako, Ministarstvo ne dostavlja taksativno to mora biti u gradskim sredinama, odnosno vi ste ovdje opredjelili da to bude gradska sredina i naravno ukoliko taj projekat ode u kanton i ukoliko se odobri da se treba raditi na taj način ali vas kanton ne sputava da se proširimo, slažete se? Samo sa finansijama, mi tražimo ovdje da se uvrsti i iz Budžeta Općine Maglaj da se poveća stavka i da se prošire aktivnosti na druge mjesne zajednice.

**Predsjedavajuća Svjetlana Zamboni:** Hvala lijepo, Jasmina izvolite.

**Jasmina Alić:** Evo ovako, mi na nivou godine dobijamo 65.000,00 KM iz ministarstva i dobijamo naknadu za velike zagadivače, to otprilike dođe nekih 90.000,00 KM na nivou godinu, to su mala sredstva da bi se moglo uraditi nešto van gradskog područja ali naravno sugestija će biti uvažena i pokušat će se iznaći sredstva ako ne za ovu onda za narednu godinu, da bude iz budžetskih sredstava.

**Predsjedavajuća Svjetlana Zamboni:** Da prilikom apliciranja uzmete u obzir ovo, pa da se pokuša u prijedlogu.

**Jasmina Alić:** To je jednostavno stvar kada se usvaja Budžet sa prijedlozima, tada treba.

**Predsjedavajuća Svjetlana Zamboni:** Za ovu godinu to je završeno već.

**Jasmina Alić:** Završeno već.

**Predsjedavajuća Svjetlana Zamboni:** Hvala lijepo. Evo odgovor je takav kakav jeste, sredstva su namjenska a to je to, prošla, dobila saglasnost ministarstva u sadržaju kakav jeste dakle ja na glasanje stavljam Plan i program održavanja javnog zelenila na gradskom području sa finansijskim pokazateljima za 2023. godinu, ko je za ? Pauza prije glasanja na zahtjev predsjednika Kluba SDP-a. Nastavljamo s radom, dakle evo nakon što je Jasmina reklam, gospođa Alić rekla da će uvažiti ovu iznesenu sugestiju od strane vijećnika za izradu Programa za narednu godinu, Plan i program održavanja javnog zelenila na gradskom području sa finansijskim pokazateljima za 2023. godinu stavljam na glasanje, ko je za ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF),

**Glasalo protiv:** Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bejić, Eldis Kusur, Jasmin Begić (SDA),

**Uzdržanih:** Elvir Vehabović (samostalni vijećnik).

## ZAKLJUČAK

13.1. Donosi se Plan i program održavanja javnog zelenila na gradskom području sa finansijskim pokazateljima za 2023. godinu

**AD -14: Akcioni plan za implementaciju Platforme za mir 2022.-2023. godine**

**Predsjedavajuća Svjetlana Zamboni:** Prelazimo na narednu tačku Dnevnog reda a to je Akcioni plan za implementaciju Platforme za mir 2022.-2023. godine. Ukoliko se sjećate ranije smo potpisali taj protokol kao vijeće da ćemo biti dio ovog Akcionog plana, materijal je jasan. Otvaram raspravu. Zatvaram raspravu te ovaj Akcioni plan stavljam na glasanje, ko je za ?

**Glasalo za:** Svjetlana Zamboni, Elvir Arnautović, Jasmin Đuhera, Mirza Mešić, Arif Mujkanović, Almin Smilović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić(HDZ BiH), Aida Bašić (NES), Aida Hadžić(DF), Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Jasmin Begić (SDA), Elvir Vehabović (samostalni vijećnik).

**Glasalo protiv:** Nema.

**Uzdržanih:** Nema.

## ZAKLJUČAK

14.1. Usvaja se Akcioni plan za implementaciju Platforme za mir 2022.-2023. godine

**AD -15: Saglasnost za namjenu neopremljenog prostora potkrovlja JU Dom kulture „Edhem Mulabdić“ u Maglaju radi realizacije projekta „Izgradnje Resursnog centra za mlade u Maglaju“**

**Predsjedavajuća Svjetlana Zamboni:** Prelazimo na narednu tačku Dnevnog reda, i ja sam umorna vjeruje kao i vi i ovo već poprilično dugo traje, pa vas molim da se skoncentrišemo na materijale. Tačka 15. Saglasnost za namjenu neopremljenog prostora potkrovlja JU Dom kulture „Edhem Mulabdić“ u Maglaju radi realizacije projekta „Izgradnje Resursnog centra za mlade u Maglaju“, izvolite Maid, pa gospođa Hadžić.

**Vijećnik Maid Suljaković:** Klub vijećnika SDA smatra da je nužno pronaći prostor za okupljanje mladih ljudi općine Maglaj radi unapređivanja društvenog života i angažmana mladih i sveukupno stvaranje boljeg položaja za mlade. Imaju u vidu da je prostor potkrovlje zgrade Doma kulture prazan i neopremljen a da su međunarodne organizacije UN, OSCE i Vijeće Europe spremni pomoći u realizaciji projekat, saglasni smo da se isti iskoristi za izgradnju Resursnog centra za mlade, s tim da se isti ne pretvara u politička okupljanja, odnosno da ne budu u istom smještene određene političke strukture, nego da bude isključivo za rad i unaprijeđenje kompetencija mladih, nadam se da će i nakon 5 godina od sanacije saniranih prostora nastaviti da koriste omladinske organizacije mladih ljudi. Hvala.

**Predsjedavajuća Svjetlana Zamboni:** Hvala lijepo. Gospođa Hadžić, izvolite.

**Vijećnica Aida Hadžić:** Evo ovako podržavam ovu ideju, svi smo svjesni da je itekako potrebna za naše mlade. Kao osoba koja radi čitav život sa mladima, znam, koliko je ova problematika velika. Ono što mi smatramo i što ovo možemo prihvatiti kao inicijativu za donošenje posebnih pojedinačnih odluka, pošto je ovakav zahtjev nama malo nejasan, ako se može malo pojasniti. Znači, mi smatramo da se odluke trebaju donijeti ovdje na vijeću, o određivanju namjene prostora. Odluka o određivanju naknade za korištenje prostora i oslabavanja te neke naknade koja bi se dogovorila. Znači, ako će ići u tom smjeru, mi ćemo ovo podržati. Ako ima neko da nam samo malo pojasni.

**Predsjedavajuća Svjetlana Zamboni:** Naravno i ja ću se javiti za riječ. Izvolite gospodin Šehić.

**Vijećnik Senad Šehić:** Evo čitajući materijale za ovu sjednicu jedna od pozitivnijih informacija koje sam primjetio u materijalima je upravo vezana za ovu tačku, dakle vezano ra realizaciju projekta izgradnje Resursnog centra za mlade u Maglaju. Prije svega želim uputiti čestitke ljudima koji su radili na pripremi ovog projekta i naravno velika zahvala svim međunarodnim partnerima koji su odlučili da podrže jedan ovakav projekat. Mladi naravno da zaslužuju jedan funkcionalan prostor kakav je gore u potkrovlju Doma kulture, naravno kada se taj prostor pripremi za njihovo djelovanje. Također, kao neko ko je dobar dio svog života proveo volontirajući u različitim nevladinim organizacijama znam dobro šta je kada imate kvalitetne uslove za rad i kada vam na kraju krajeva neko plaća, ako ništa sve te režije, naravno da će samim tim i sam rad biti

kvalitetniji. Općina Maglaj trenutno ima nekoliko jako kvalitetnih omladinskih organizacija koji rade zaista kvalitetno i jako se veselim da će takve organizacije imati priliku da rade u jednom prostoru uređenom kakav je ovaj gore. Što se tiče ovih uslova koji su postavljeni, ja pretpostavljam da su to uslovi koje možda i međunarodna zajednica sama diktirala, tako da od nas se danas očekuje da samo damo saglasnost da se uđe u ovaj projekat. Također, u ime Kluba SDP-a nema razloga da ne podržimo sve. Hvala.

**Predsjedavajuća Svjetlana Zamboni:** Javljam se za riječ.

**Vijećnica Svjetlana Zamboni:** Obzirom da zbog toga što sam nekada ovdje bila na mjestu direktorice zasigurno znam da ovo predstavlja samo davanje saglasnosti da se uđe u ovaj projekat i da sve ove Odluke o kojima ste vi govorili moraju biti donesene na vijeću, pogotovo ako se bude davalo nešto na upravljanje Domu kulture itd. Tako da ovaj korak je samo naše zeleno svjetlo međunarodnoj zajednici da Općinsko vijeće Maglaj podržava tu investiciju da tako kažem i da idemo u taj projekat a ovo što će uslijediti vjerujem da će službe voditi računa o onome što proizilazi iz toga.

**Dopredsjedavajuća Aida Bašić:** Hvala predsjedavajuća.

**Predsjedavajuća Svjetlana Zamboni:** Zaključak, evo predložite zaključak. Da ćemo donijeti Odluke, pa dobro neko ih mora izlistati i navesti sve tačno Odluke koje trebamo donositi. Potrebne odluke. Nermin, potrebne odluke, dati na upravljanje Domu kulture i sve ostalo. Možda vi znate tačno na šta se odnosi potrebne odluke. Jesam li upravu kad kažem da dajemo samo saglasnost da uđemo u ovaj projekat je li tako.

**Nermin Bešlić:** Ovako, prije svega veseli me da su se sve politike ovdje prepoznale značaj ovog projekta i obezbjeđenja prostora za mlade i s te strane zaista mislim da niko dobronamjeran ne može i ne treba biti protiv ovoga, radi se o prostoru nekih cirka 300 m<sup>2</sup> u ovom dijelu ovamo tavanškog prostora koji će biti adaptiran, uređen, kao moderan prostor, multifunkcionalan za različite namjene i s te strane sigurno nešto što desetinu godina već pokušavamo da riješimo, nekako nismo uspjevali do sada, dontori to nisu prepoznavali. Evo ovaj puta je to kao omladinski resursni centar prepoznato i prošlo je evo s te strane cirka nekih 150.000,00 KM bit će uloženo i bit će uređen taj prostor. Što se tiče same formalne procedure, za dinamiku projekta bilo bi dovoljno u ovom trenutku i sam zaključak da se daje saglasnost za opredjeljenje namjene za te svrhe. U buduću možemo nekim Odlukama rješavati prijenos na Dom kulture itd. Što se tiče ovih ostalih uslova korištenja, to su prije svega uobičajeni uslovi finansiranja režija, održavanja i korištenja prostora. S te strane to nije ništa drugo što već sada se ne odigrava u Domu kulture, tako da nisu to ni neki troškovi to je osvjetljenja, led rasvjeta, održavanje prostora kao održavanje i s te strane zaista nemam nikakvih nepoznanica niti nekih posebnih opterećenja.

**Predsjedavajuća Svjetlana Zamboni:** Dobro a kasnije ćemo govoriti o davanju na upravljanje itd. i potrebnih Odluka. Dakle predlažem prijedlog zaključka da Općinsko vijeće Maglaj da saglasnost za namjenu neopremljenog prostora Doma kulture „Edhem Mulabdić“ Maglaj radi realizacije projekta „Izgradnja Resursnog centra za mlade u Maglaju“, uz napomenu da će u narednom periodu biti potrebno donijeti i sve potrebne Odluke kako bi taj prostor i dobio svoju konačnu funkciju. Eto toliko. Ko je za ?

**Glasalo za:** Svjetlana Zamboni, Elvir Arnautović, Jasmin Duhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (NES), Aida Hadžić (DF), Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bejić, Eldis Kusr, Jasmin Begić (SDA), Elvir Vehabović (samostalni vijećnik).

**Glasalo protiv:** Nema.

**Uzdržanih:** Nema.

Hvala i čestitam što smo jednoglasno donijeli ovakvu Odluku.

## ZAKLJUČAK

15.1. Općinsko vijeće Maglaj daje Općini Maglaj saglasnost za namjenu neopremljenog prostora potkrovlja JU Dom kulture „Edhem Mulabdić“ u Maglaju radi realizacije projekta „Izgradnje

Resursnog centra za mlade u Maglaju“ uz napomenu da će u narednom periodu biti potrebno donijeti potrebne odluke kako bi taj prostor i dobio svoju konačnu funkciju.

#### **AD -16: Izvještaj o upravnom rješavanju i provedenim upravnim postupcima Jedinstvenog organa uprave za 2022. godinu**

**Predsjedavajuća Svjetlana Zamboni:** Prelazimo na narednu tačku Dnevnog reda, dakle ovo je sada Izvještaj o upravnom rješavanju i provedenim upravnim postupcima Jedinstvenog organa uprave za 2022. godinu. Otvaram raspravu, zatvaram raspravu po ovoj tački Dnevnog reda, te stavlja na glasanje, ko je za ?

**Glasalo za:** Svjetlana Zamboni, Elvir Arnautović, Jasmin Duhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (NES), Aida Hadžić (DF).

**Glasalo protiv:** Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bejić, Eldis Kusur, Jasmin Begić (SDA).

**Uzdržanih:** Elvir Vehabović (samostalni vijećnik).

### **ZAKLJUČAK**

16.1. Usvaja se Izvještaj o upravnom rješavanju i provedenim upravnim postupcima Jedinstvenog organa uprave za 2022. godinu.

#### **AD -17: Informacija o statusu Općinskog pravobranioca.**

**Predsjedavajuća Svjetlana Zamboni:** Prelazimo na Informaciju o statusu Općinskog pravobranioca. Gospođa Hasanić će biti uvodničar vezano za ovu Informaciju, pošto je bilo i na Kolegiju pitanja zašto se vijeće informiše o ovome, pa evo neka gospođa Hasanić da uvodnu riječ za sve vijećnike.

**Emina Hasanić:** Pošto prvi put izlazim sve vas srdačno selamim i pozdravljam. U ovoj Informaciji je naznačeno takšno koji zakon definiše, čime je propisano. Obzirom, da smo do sada išli, praksa je bila da na Općinskom vijeću donosimo Odluku o imenovanju komisije koja će dalje provesti dalje proceduru o izboru Općinskog pravobranioca. U prijedlogu, odnosno u informaciji koju ste dobili u materijalima prijedlog zaključka je malo izmijenjen, obzirom da je do sada različita praksa u ostalim općinama i gradovima, da tu proceduru pokreće odnosno donosi Općinsko vijeće u pogledu imenovanja komisije, negdje donosi Općinski načelnik.

**Predsjedavajuća Svjetlana Zamboni:** Različita je praksa.

**Emina Hasanić:** Da različita je praksa, negdje čak Općinsko vijeće kao što je kod nas to bio slučaj Općinsko vijeće je davalo saglasnost, odnosno ovlaštenje Općinskom načelniku da provede kompletnu proceduru. Ja bih sada predložila novi prijedlog zaključka, gdje je potrebno da Općinsko vijeće donese zaključak kojim se zadužuje Općinski načelnik i nadležna općinska služba da za narednu sjednicu Općinskog vijeća pripremi prijedlog prije svega Odluke o standardima i kriterijima za imenovanje u Općinskom pravobranilaštvu Maglaj koju do sada nismo imali, na osnovu čega ćemo vršiti daljnju proceduru i prijedlog Rješenja o imenovanju komisije za izbor na poziciju Općinskog pravobranioca u Općinskom pravobranilaštvu Maglaj kako bi se nakon njihovog usvajanja pokrenula zakonska procedura za imenovanje Općinskog pravobranioca Općine Maglaj a sve to u skladu sa Zakonom o pravobranilaštvu i Zakonom o ministarskim i vladinim imenovanjima FBiH. Za narednu sjednicu ćete dobiti, a ovo je samo Informacija kojom će se pokrenuti procedura, za narednu sjednicu ćete imati Odluku o standardima i kriterijima za imenovanje u Općinskom pravobranilaštvu Maglaj i Rješenje o imenovanju komisije za izbor, time što će nadležna služba i načelnik dostaviti prijedlog.

**Predsjedavajuća Svjetlana Zamboni:** Hvala. Samo još jedna informacija dakle ovu proceduru provodimo iz razloga što gospođi Botonjić zapravo ne ističe mandat nego silom zakona ona ide u penziju pa je iz tog razloga provodimo proceduru na ovaj način. Dakle, prijedlog je da Informaciju o statusu aktuelnog općinskog pravobranioca da se primi ova informacija k znanju i da usvojimo ovaj zaključak ovako kako je Emina i pročitala.

Ko je za ?

**Glasalo za:** Svjetlana Zamboni, Elvir Arnautović, Jasmin Duhera, Mirza Mešić, Arif Mujkanović, Almin Smailović, Firuz Galijašević, Senad Šehić, Samir Fetić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (NES), Aida Hadžić (DF).

**Glasalo protiv:** Nema.

**Uzdržanih:** Edin Osmić, Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bežić, Eldis Kusr, Jasmin Begić (SDA), Elvir Vehabović (samostalni vijećnik).

## ZAKLJUČAK

17.1. Prima se k znanju Informacija o statusu Općinskog pravobranioca;

17.2. Zadužuje se Općinski načelnik i nadležna općinska služba da za narednu sjednicu Općinskog vijeća Maglaj pripreme prijedlog Odluke o standardima i kriterijima za imenovanje u Općinskom pravobranilaštvu Maglaj i prijedlog Rješenje o imenovanju Komisije za izbor na poziciju općinskog pravobranioca u Općinskom pravobranilaštvu Maglaj, kako bi se nakon njihovog usvajanja pokrenula zakonska procedura za imenovanje Općinskog pravobranioca Općine Maglaj, u skladu sa Zakonom o pravobranilaštvu ("Službene novine Zeničko-dobojskog kantona" broj: 12/13) i Zakonom o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13).

**Predsjedavajuća Svjetlana Zamboni:** Ovim smo isrecpili diskusiju po Dnevnom redu, te otvaram vijećnička pitanja i vijećničke inicijative. Gospođa Hadžić.

**Vijećnica Aida Hadžić:** Iniciram kod Općinskog načelnika, kao zakonom ovlaštene osobe, pokretanje postupka za imenovanje novog saziva Zdravstvenog savjeta Općine Maglaj. Podsjećam da je starom sazivu istekao mandat u aprilu prošle godine, a da isti nije dostavio godišnji Izvještaj o radu, što mu je bila obaveza.

Zdravstveni savjet je tijelo koje po osnovu više zakona obavezno djeluje u Općini i njemu je zakonom propisan zadatak da razmatra prigovore, primjedbe žalbe i prijedloge pacijenata na rad zdravstvenih ustanova i njihovih radnika, te predlaže rješenje za prevazilaženje istih.

**Predsjedavajuća Svjetlana Zamboni:** Hvala lijepo. Gospodin Delić.

**Vijećnik Fikret Delić:** Da vas poselamim i pozdravim sve prisutne ovdje, pošto prvi put izlazim. Dobio sam zahtjev i inicijativu da podnesem na Općinskom vijeću od mještana MZ Kopice. Radi se o sanaciji puta centar sela-Jezersko brdo, gdje je put betoniran. Prilikom zimskog održavanja put je u teškom stanju, stvorile su se rupe tako da sve to vozačima pravi velike probleme. Ja bih zamolio službu i Općinskog načelnika ako ikako mogu da se taj put odradi. Da se presvuče asfalt da bi mještani mogli normalno i bezbjedno hodati.

**Predsjedavajuća Svjetlana Zamboni:** Hvala lijepo, gospodin Abdurahmanović.

**Vijećnik Adis Abdurahmanović:** Ja nemam pitanje niti inicijativu ali tiče se toga i pozvat ću se na Poslovnik o radu, znači član 83. Kaže: "Odgovori na vijećnička pitanja mogu se davati usmeni ili pismeno. Služba Općinskog načelnika i Općinskog vijeća nakon sjednice Općinskog vijeća prosljeđuje pitanje subjektu na koje se odnosi osim ako odgovor na pitanje nije dat na samoj sjednici. Subjekt na koje se vijećničko pitanje odnosi dužan je odgovor dostaviti u pravilu do naredne sjednice Općinskog vijeća a najduže u roku od 30 dana, pa da ne čitam dalje, zamolio bih samo službu, evo pozivam s ena Poslovnik o radu, da malo povedu evidenciju. Ja ne znam kad sam dobio zadnji puta odgovor na vijećničko pitanje ili inicijativu a svaku sjednicu podnesem jednu ili

dvije. Znači, da ne idemo dalje, volio bih znači, molim službu da se pozabavi da prelista, da vidi ono što nam nisu odgovorili, da nam odgovore. Hvala .

**Predsjedavajuća Svjetlana Zamboni:** Samo da vas posjetim da smo donijeli zaključak da ćemo napraviti kvartalne izvještaje po vijećničkim pitanjima i inicijativama i da se radi baza. Kolegij je upozna s time, radi se baza, dobro ali imamo već taj zaključak samo zato da budemo svjesni onoga što smo na prošloj sjednici uradili. Ima li još vijećničkih pitanja i inicijativa. Nema zaključujem sjednicu Općinskog vijeća u 12,51h.

Sjednica završena u 12,51h.

Zapisničar

Elza Gračić



